

宜城縣志

第一冊

卷一

凡例

圖

方輿志  
上

同治五年重修

宜城縣志

本衙藏板



重脩宜城縣志序  
古者輶軒之使下採民風邑  
志可由備也故有郡探風  
必自纂脩邑志始宜城為古  
鄆名邑舊志脩自康熙二十  
二年迄今百有八十三載經



蠹蝕兵燹之好之者蒐輯較  
事增多以之殘編不少考邑  
前令蜀巴于君東番姑蘓沈  
君愛暄曾懼舊典之漸湮  
也銳意延訪邑紳倡議網羅  
散佚續纂舊志會者草創未

就而旋迫於量移他邑之被  
卒以豫定中止邑志遂不果  
脩公  
朝廷掃盪瘴氣  
疆臣勦爵赫隆方卒屏之  
瘴鎮外臺

諸執事彙纂楚北全省通志  
毅然以揚清激濁為正人心  
勵風俗之大原 郡守承奉  
教條咸檄至可屬和令激文  
功敵勦成一邑志書以宣令典  
而宜城為襄陽郡南下邑地

祿繁劇吏治尤罔衝要則安  
可不存物 嘉命予以而實  
李春旌蓋茲上甫下車即校  
童試清積牘之卷薄書裝  
集鞅掌而適持暗修邑志之  
檄因特檢閱前令議脩舊

志率多礙於年代湮遠故老  
無徵殊不能理泮之嘆既而  
訪得邑先紳曹廣文雲鄉氏  
遠存採訪記今先乘公暇覽  
之喜其綜覈舊志載出道先  
二十一年止事較詳的其洞悉



長渠水利源流尤為瞭如指  
掌洵是有裨邑志之纂脩良  
多也予何敢以公冗謝爰集邑  
紳合議增脩又因美錦字製  
加以性愚識淺邑小故繁不獲  
躬親感幸迺以其子寄之也

學博而送邑紳之隨行者  
治館向日考訂續如采摭其  
者蓋之闕者補之悉核收實  
隱寓激揚蓋公閱月而志書  
於是乎始備性成將付剞劂  
也人士請以志言弁志首字性

方輿營建之敝列田賦規制  
之詳數皆守條緝之步按  
圖考邑人士峯生冠蓋蔚望  
涵濡  
作人之雅化景仰先賢之芳躅必將  
山川滙靈人文素養與楚澤

唐明堂邑同納

圖書括抄收舉獨念邑志之有  
闕風教者首重因革大端移風  
易俗之權責專邑宰予愧躬  
膺日牧凡屬獎所昔由革宜敢  
憚勞以忘民瘼出於興復水

利經理疆畝則又在乎土之宜  
揆時度勢申諭因地制宜  
之法而次第興利以領於有  
成也予不敢苟先盡厥職勝願  
任使百廢俱舉以償士民願愧  
滋大矣然既深為士民籌故并

序諸君以待後之令茲土者  
者

同治五年歲在丙寅仲冬既望  
署宜城知事程燾安撰



原序

志與史同皆不朽傳也楚自熊繹開疆葦路藍縷幅  
幘雄盛峴山之南鄢邑實屏翰焉鄢居八省通衢牛  
山峙其西漢水滌其東北接鄖襄而南額荆郢凡山  
川分野土產人物風俗沿革無不備載於志列若鬚  
眉繡錯寰區觀風問俗者一披閱之班班可考然則  
前人之紀載詳矣典章如在直與河圖洛書並傳非  
有待於後起者之踵事也然而時會鼎革陵谷變遷  
其存其廢有數存焉非人所敢知也余自壬戌夏奉  
命來宰鄢邑聚父老而詢夫誌僉曰兵燹後難刼頻經典

宜城縣志

卷一

一

章散落文獻無復有存焉者余慨然嘆曰天下事前  
人缺略而後人修明者莫此爲先竊有願而未逮也  
方今

天子車書允奠版圖宏開諸

憲臺考古聿新典章廓舊迫欲搜訪古蹟之存亡詳  
求人事之興替毅然續舊牒而訂新編憲檄屢下旦  
夕董成余安得辭固陋而憚修輯也然修志於明備  
之日則詳而不略修志於鼎革之後則略而不詳所  
慮無本則無徵無徵則弗信夫志而無徵弗信奚可  
傳哉今於斷簡殘扁遍爲搜羅僅得遺志數帙未獲

全書參補而纂輯之寗真勿僞寗質無文寗簡勿繁  
寗本色勿假飾使上下數百年間鄢之人物風土披  
覽之如在目中宋玉作賦之才芳躅如睹也叔度汪  
洋之度懿範如存也杜康臺畔之醴泉如飲醕醪也  
龐公潛碩之逸德山高水長也於以追踪曩哲昭示  
來茲何嘗不存什一於千百中以俟後之博雅君子  
起而修明之此余所以不辭固陋寗真也勿僞寗質  
也勿文寗簡也勿繁寗本色也勿假飾以副

上臺徵志雅意不敢委實蹟於荒煙斷草中也若夫  
聞見所未逮典籍所不存姑闕焉不敢傳疑知我罪

宜城縣志

卷一 原序

二

我又何遑計焉

康熙二十二年歲在癸亥南昌月之上澣宜城縣知  
縣古燕胡允慶瑞徵甫撰



採諮纂修縣志事實原啓

粵以法著僕區微春秋於左氏書名檇杙方魯晉於子輿聽漁父之歌聲離騷漫作繼龍門之史筆通志適成雖小略大祥三楚不無信史而增新沿舊一方各有傳文若宜邑者地處偏隅時經兵燹典章莫據蒐輯罔聞相傳雖有陳編惜多模糊難辨可考豈無野史未免簡略弗詳方今率土同文徵獻章於郡國本縣倡捐重訂期採訪於芻蕘文無逞乎豔葩事惟期其詳慎爰咨爰度勿黨勿誣懿夫郡邛名區肇開秦漢上洪古治啓自魏元星分翼宿十度之偏壤接

宜城縣志

于啓

一

漳棗五邑之界羣山羅列聳雞鳳於東南二水分流環漢夷於左右地當孔道水陸交衝勢若長城軍民雜處去江陵而遷鄢郢楚昭王曾此建都改驛道而徙城垣于節度於今爲烈黃童白叟丁男則富庶蜂屯華蓋朱軒甲第則聯翩鵲起家安儒素久稱樂善之鄉習尚女工更結永豐之社鍾赤山之靈秀代有名賢雖黑子之微區史多哲士是以上知天命共仰屈廬能作訓詞咸推射父曲彌高而和彌寡宋玉之宏論堪垂內其祿而外其身莊善之忠言足錄向朗則竹林俱美而皓首校書馬良則華萼聯輝而白眉

稱嚴青鎖侍臣擢秋典而聽聰棘木秩宗世命任夏  
官而蔭指槐階副樞酌之司課籌東楚膺撫綏之寄  
惠及西羌步日影於八磚清平獨賦膺雷封於百里  
先後爭榮品詣主璋丰姿龍鳳洵哉人文之藪允矣  
史冊之光乃若行誼可風彝倫足裨表丹心於亘古  
忠傳絕命之辭奉白髮之高堂孝獲靈芝之應節則  
悲深寡鵠甘閉戶以辟纊義則曲罷求凰祇繙經而  
茹素觸石而山開數丈烈感大神撫孤而痛失雙明  
報徵科第交深縞紵效管鮑而分金誼切壘篋走貢  
章而代戍饑阨必賑慨指子敬之困窮賤堪哀義焚

宜城縣志

卷

于啓

二

孟嘗之券疇執干戈以衛社稷孰以匹夫而化鄉鄰  
苟其品詣之可嘉均宜訪求之勿憚至於詞章壽世  
藝業名家或理通洪範而語無艱深或賦託高唐而  
言歸諷諭或人欽雛鳳文有魯殿靈光或自謝真龍  
編有西陽雜俎或清妍成韻著楊柳之宮詞或蒼秀  
構思傳栢梁之古體或字工草聖或畫倣雲林或技  
擅華陀或術高管輅或精筮短龜長之妙或識虎頭  
燕頤之竒或繙貝而透禪宗或吞丹而通玄妙倘其  
高曾架燹厥有淵源雖在父老傳聞亦堪流播他如  
隱逸棲遲之地閭閻傳述之詞紫蓋黃鶯誰躡謝公

之履赤湖清水孰泛蘇子之舟煙雲繚繞木香村之  
別業誰開冠蓋連延泰山廟之石銘堪讀懷溘于於  
善謔驛前信臣安在弔子胥於虛糧塚畔故壘猶存  
千頃長陂汪度空懷故塚一坏荒土糟邱徒剩荒臺  
數七十二塚於漢代野火螢燐拜二十八廟於元朝  
頽垣鴛瓦冽傳酒井其水猶香溫有湯泉雖冬可浴  
衆魚占夢六櫓置縮項之鰻浮蟻興懷九醞擬富春  
之釀倘山川留覽曾經文人物產懋遷饒多清賞能  
不與雲夢瀟湘而並重羽毛齒革而俱詳也哉本縣  
籍隸西巴派分東海乏三蘇之問學未遂鴻騫綿駟  
馬之家聲僅登鸚薦荷

宜城縣志

卷

于啓

三

龍章於

楓陛揚激是司任繭障於棠封勸懲攸賴曩者北臨瀕水  
茲復西代鄆城錢穀兵刑政事惟資文學獻章服物  
考訂足裨謀猷詳繹古編思備風謠之採輯成完帙  
莫遺月旦之評和親安平康樂彙爲一書德行孝友  
文章紀諸三管觀文成化無殊月吉象魏之懸援古  
證今何妨風土人情之訊事關採錄開列必詳爰具  
咨陳蒐羅罔憚設局當梅花開候告成擬杏子熟時  
爰集衆以重編幸分門而來告營山于鼎培

鄆都採訪記序

嘗考修舉志乘歲不過三紀誠慮夫歷年太遠則蒐輯之力勞而遺佚之數多宜城古鄆都接壤荆郢襟帶漢蠻爲襄南重鎮文獻夥頤掌故應無慮放失丁明季兵燹罹狂寇一十三隊甲去乙來冊成文案炬焉一空古志遂爾蔑如矣

國初燕北胡明府瑞徵公來令茲土奉上檄

收殘拾爐百有二十日纂成縣志一書括以八志曰方輿曰建置曰食貨曰官職曰選舉曰人物曰災祥曰藝文部麗散目七十餘意皆仿效史例而為之往復披閱其考信之慎垂戒之殷允足為奕世津梁而體段疎畧時相牴牾不無遺憾焉夫以彈丸之地印合國款繁簡有無之數相去何啻天淵比而同之故有綱不能攝目目不

必附綱撫本無以牽湊沒應有而忽忘者然時際

國家定鼎四十年版圖宏開餘孽未靖勦辦滇藩逆黨軍務倥偬而方面制撫汲汲於車書之莫刻期董成以徵治譜於斯時也載籍莫校遺老無傳假令胡君當日稍得從容餘閒寬之以歲月博明備之典章搜度藏於巖穴裒故訂新用以彌縫其罅漏

洗伐夫謾調酌史志之宜以正體例毋泥古也亦毋戾今書雖草創而式成莫刊吾知繼起而珥筆者且奉為指南而莫之或違奚慮人心之未厭耶今之去胡百有四十年餘年矣修舉之數凡幾更間有經前令之採訪節次抄錄志尾者一見於雍正年之修道志再見於乾隆年之修府志又其近復見於嘉慶九年之修省志存什一於

千百邑事跡不盡無稽獨怪非此都完帙  
徒拾唾餘於他籍傳聞不真者有之語焉  
不詳者有之綜覈今昔制令之興革締造  
之修廢隄沔村汛之變遷懿德貞型之幽  
隱以及縣志類例指歸所不備孰任稗官  
孰司拾遺均待網羅而釐定焉較胡之日  
不更雞乎邇來宰吾宜者或公冗未暇或  
議定終止將因仍闕畧而靡有窮期余心

焉傷之不量衰老謬以醢雞之學尺蠖之  
步耳治者有日日驗者有日簡筆策編歲  
十二稔而稿六七易彙鄆都採訪記二十  
四條竊比於蟻知雨而馬識途非敢質諸  
當事聊以備家塾觀覽云爾爰述顛末為  
之序  
道光二十年歲在庚子孟陬月雲衢魯桂  
元題於秋曉堂之修樂齋舍

邑先紳魯雲衢先生鄆都採訪記跋

文之有功於世教者 國史省志而外莫如邑志一書而邑志之蒐輯則首在採訪之周詳自來著述名家大抵皆草茅瓌瑋雄竒博辯之才不獲以其文章報 國又懼文采無以自表於後世廼退而講求一邑之典故以備省郡採風之遺故特筆之於書垂諸不朽而其才徃徃不可多得今幸於鄆城前哲魯雲衢先生得之先生性敦仁孝重廉節急公義峻丰裁而姿尤英異生平博洽羣書雅好遊覽山水茹古涵今以施爲藻蔚聞其叙年譜脩宗牒明古禮皆井然有條文可傳世而所著鄆都採訪記全卷撰述舊聞而網羅散佚則尤有功世教之文也 國城 秉鐸蒞鄆時甫下車問俗而 先生之次孫邑茂才魯君省三參軍執是編來鬻舍謁予陳覽因得廻環展誦詳悉 先生素所紀載覩縷如數家珍穆然爲之追慕者久之嗟乎 先生以名區之鴻文鉅手倘得遭遇盛時身躋通顯叨入

本朝掌故之府而修明

國史薈萃名言上追漢唐以來馬班房虞溫國紫陽諸作者豈不斌斌乎當代人文之蔚宗哉而乃不遇以

明經老其材僅借鄢陵睹記之綜覈猥欲仰首伸眉  
盡吐其胸中鬱悒之奇氣以善假之鳴而奈何蹉跎  
至於暮年終以廣文一官自屈焉耳以此嘆 先生  
之不得志於時也亦良可惜矣然而予究不爲 先  
生惜也古鄙舊志當代遠年湮屢遭兵燹之餘寢就  
磨滅苟非一二鴻儒洽聞殫見藏之名山厥後雖有  
好古之英欲問其事而遺老盡矣 先生逢此一線  
延續之秋毅然奮起以拾遺補闕爲己任迄今百有  
數十年而釐訂舊抄猶班班可考不至苦於無徵者  
皆 先生採訪之功也何其幸歟方際省郡纂修舊

志輶軒之使下採幽遐今其孫曾多列膠庠猶能世  
守 先生手澤什襲珍藏用資當路之搜求將思梓  
而永存以繼 先生之志而數典不忘其祖予固以  
卜 先生之後必克昌也况聞 先生之風而感奮  
者胥得接踵勤加博采以俟操筆纂修之士編入邑  
乘續成典章當益闡發潛德之幽光而宏昭來許之  
考据則不獨爲 先生一家幸而又可爲 先生一  
邑幸也爰列其實錄於篇末亦聊以表秉鐸茲土者  
追慕之忱云爾

道光戊子科舉人六品銜司宜城縣教諭周國城謹跋



宜城縣志重脩姓氏

主脩

署宜城縣知縣 程啟安

協脩

六品銜宜城縣教諭 周國城

宜城縣訓導保用知縣 易學趙

經理

宜城縣典史保用主簿 巢曰煥

五品藍翎宜汛外委 李萬富

纂輯

宜城縣志

卷一 姓氏

一

拔貢生候選教諭 張炳鐘

歲貢生候選訓導 姚國搢

恩貢生大冶縣教諭 魏崇本

六品軍功生員 魯裔曾

校閱

生員 魯鍾寅

廩膳生員 姚德華

分校

廩膳生員 楊肇端

廩膳生員 魯鍾炳

生

員

王建中

採訪

六

品

軍

功

生

員

望登瀛

歲

貢

生

候

選

訓

導

張達化

廩

膳

生

員

周仁熙

廩

膳

生

員

賈永洛

廩

膳

生

員

魏秉鈞

生

員

曾師孔

廩

膳

生

員

李庚吉

生

員

李作寅

宜城縣志

卷一

姓氏

二

生

員

楊洪吉

生

員

沈來雝

監梓

從

九

品

童楚元

宜城縣志總目

凡例

輿圖

方輿志卷之一

星野

占候附

疆域

形勝附

沿革

山川

附井泉

古蹟

宅墓附

津梁

風俗

建置志卷之二

城池

隄防附  
坊表附

壇廟

公署

公所附

驛舖

塘汛

里屯

村鎮附

堡寨

食貨志卷之三

宜城縣志

卷一 總目

一

戶口

田畝

賦役

舊役附

軍糧

物產

學校志卷之四

黌序

書院

學田附

考棚

義學

附寅興

秩官志卷之五

封爵

文職

武職

宦蹟

選舉志卷之六

辟薦

進士

舉人

貢生

附例貢

軍功

銓選

封蔭

附

耆舊志卷之七

列傳

政蹟

儒行

忠孝

節義

耆壽

附

寓賢

附

列女志卷之八

藝文志卷之九

書目

文

古體詩

今體詩

雜類志卷之十

祥異

兵事

撫聞

宜城縣志

卷一

總目

二

凡例

一 作志先正體例分類太簡則畧太繁則瑣舊志八類隸學校於建置似褻特標而出之尊鉅典也又別列女於人物志中共爲十類餘多仍其舊而以細目分隸其下庶乎若網在綱有條不紊惟人物改稱耆舊亦以耆舊傳中實載邑諸先賢非冒美稱也而兵祥之餘掇軼事補之以全志體云

一 作史惟地理志最難宜自夏置邳國以來至春秋時建邑已極叢雜迨後名有互易地亦屢遷降及有晉僑置郡縣益紛紜難稽舊志沿革舛誤殊多茲據各

宜城縣志

卷一 凡例

一

史備載於表及古蹟一條並詳加辨正俾展卷了然雖未必窮源而竟委亦不啻畫地以成圖

一 荆關山水獨出冠時者以寫照逼真也舊志於山川僅著其名寥寥數語幾等蟻封牛涔矣夫石梁玉屏挺秀西東漢水蠻河潑洄左右一邑之名勝而可約畧置之歟採訪記於此條疏剔明晰煞費苦心惟木渠一水因陵谷變遷間有釐正之處餘悉錄其舊文一 堡寨爲捍患要區舊志未載今據縣勘繪圖詳明其地之要害制之高深并附管見於後固不必盡合鴻裁亦庶幾有備無患

一賦役爲國計民生攸關纖毫不容稍忽茲據賦役全書並參以檔冊親用勾股法敬謹剖晰雖貽譏算博士亦所不辭

一學校爲祀事重典人材從出故逐條詳臚以昭美備至四祠祇錄名宦鄉賢芳名而不及忠孝節烈者蓋鄉邑之匹夫匹婦雖大節無虧要難上配前賢且舊置二祠本在訓導署旁並未附於 黌序非敢妄憑臆見也

一邑選舉盛於漢唐至明益隆 國朝亦多列巍科者近日人材蔚起一切文武職官以及其祖父 封贈

宜城縣志

卷一 凡例

二

皆附於後其有未經報局者無從查覈應俟另續一舜陞官人備詳九德孔門垂教亦列四科人材分類尚矣邑鄉先賢載在國史者自有列傳可徵餘則本其行詣各以類附但循名核實總在事久論定之後現在者概不遽錄

一貞姬烈媛實鍾兩間正氣已 旌者檔冊自有足據待 旌而身故者悉從採訪記錄之現在所臚列皆係各處採訪及附近紳耆舉報學師具有甘結照單錄入並未稍參私見

釋老方技舊志空列其目茲遵陸清獻靈壽志除去

二氏以杜惑世誣民之漸至方伎雖小道亦有可觀但舊志既未臚其人此亦無容贅入

一援引諸書間有櫟栝萬無竄易故必標明書目以示有所原本惟沿革下礙難小注然亦悉有根據並無譚語致同杜默伎倆

一舊志簡陋殊甚近事特取其信而有徵故時亦存二三策至義意有未協處必僭爲刪潤或免依樣葫蘆之誚


一向秀盜註貽譏千古直掠人美通人不爲茲於引用採訪記處悉爲注明以存廬山眞面目

宜城縣志

卷一 凡例

三

一新唐書事增於前文省於舊論者謂其失正在此今博採旁搜有詳無畧迂拘淺陋知所不免又尅日蕝事甫一脫藁卽付剞劂其間參差未檢亥豕相沿亦恐多有博雅君子匡其不逮則幸甚矣




宜城縣志

卷一 圖

一








宜城縣志

卷一


二






宜城縣志

卷一



南樓園  
明倫堂



宜城縣志卷之一

方輿志

星野

疆域

沿革

山川

聖朝幅員式廓亥步非能周也渺茲微區不啻納芥子  
於須彌奚足述顧不曰撮土固莫非地乎矧宜本  
楚故都星分翼軫水繞漢蠻郡縣之所僑置冠蓋  
之所駢臻實扼荆襄要會焉今雖遺蹟多湮而風  
土人情尙敦古處則嶽峙淵渟凝積固有獨厚者  
爰彙輯之用昭周禮職方之遺

星野

天有列宿地有州域二十八舍主十二州翼軫荊州

史記

宜城縣志

卷一方輿上

一

天官書

南陽入翼六度南郡入翼十度

晉書天文志

古荆楚都羅權巴夔與南方蠻貊之國翼與昧張同象

當南河之北

唐書天文志

張十六度至軫九度鶉尾之次也湖廣襄陽府軫分野

明史天文志

按胡公瑞徵縣志襄陽郡屬禹貢荆豫二域天文  
翼軫分野南陽入翼六度今光均穀棗爲古南陽  
地襄陽宜城南漳爲古南郡地宜城屬翼分爲多  
陳愚谷徵修襄陽府志啟襄陽府屬列宿分野均

州光化入張餘並入翼合考胡氏陳氏二說則宜城入翼蓋亦根據漢晉以來史志而言之耳

探訪記

占候

附

翼二十二星形如鳥翼為朱鳥之翼南方火宿也主太

微三公化導文籍

石氏星經

翼為羽翮主遠客正義翼為天之樂府又主夷狄亦主

遠客

史記天官書

翼亦主俳優狄鞮戲娛之事

天文大成星占

宜城縣志

卷一

方輿志

二

疆域形勝附

宜城距襄陽府東南九十里

舊縣志及道府志皆作一百二十里係指前明潼口

新驛路言今據

東西南北廣袤皆一百二十里東渡

漢江經官莊集田鎮司汛至上馬石八十里

府志誤為九十

里交棗陽界南經郭海營鎮至八角廟九十里交鍾

祥縣界西經朱家嘴集至界牌頭四十里交南漳縣

界

舊縣志道志皆作五十里係措武安

北經明正店

集至小河口三十里交襄陽縣界

舊縣志作六十里

指潼口站驛路言東南經流水溝集至龍山九十里

茲據今疆界改正交鍾祥棗陽二縣界西南經新店舖至八里舖五十

宜城縣志

卷一方輿上

三

里交鍾祥荆門南漳三縣界西北至古羊岡四十里

交襄陽南漳二縣界東北至黃龍壩七十里交棗陽

襄陽二縣界自縣治至省陸路六百八十四里水路

一千零八十七里

舊縣志作一千五百二十里係指昔時漢水經流宜城紆迴三日始

出疆界言茲據

至京陸路二千五百一十里

形勝

鬢序倚毓秀之山雙池湧跳珠之水

舊通志

子西改紀之都秦豐竊據之地岡號石羊巖傳卧虎距

郊郢

安陸府古郊郢

上流形勝足恃

道志

據襄郢之間兩耳扼其東石梁環其西其中土田平行

爲古英雄攻守之地 府志

宜據襄郢之間兩耳 一名乳 東峙石梁西拱北連鹿峴南

接安荆漢水環其東蠻水繞其西亦形勝地也 舊縣志

八省通衢五邑要道大峰屏嶂東北土嶺扼設西南兩

乳捍東道之險石梁橫西界之衝長渠膏壤六千頃

隄沔交環若天塹水陸要害之區揆文奮武之地 採訪

記

### 勝景凡八

東郊柳色在東關隄郭外

西刹鐘聲在西街報恩寺今鐘已裂

宜城縣志 卷一 方輿上 四

蘇湖漁唱在縣南七里地名蘇家站

北隴農歌在北門外紫蓋山岡

雲水秋澄在城隄外新河東北五里

龍潭春漲在縣西二十五里鷓子山西南

紫蓋晴霞在紫蓋山西城跨其上

赤山旭日在縣東南五十里地名紅山頭



秦	秋 春		宜城縣志	周	夏	朝	
三分 十天 六下 郡爲	楚			沿	豫州 <small>一通 縣典 則南 荆漳</small> 荆州 <small>河之 州域 之餘 域並</small>	州	沿革表 附辨
南 郡 十史 九記 年昭 大襄 良王 造二	<small>亦曰 郢都 別置 郢</small> 郢都 <small>昭王 十 二 年 遷</small> 郢都	<small>及詳 封見 爵古 下蹟</small> 郢國 <small>及詳 封見 爵古 下蹟</small> 郢國		<small>及詳 封見 爵古 下蹟</small> 郢國 <small>及詳 封見 爵古 下蹟</small> 羅國 <small>及詳 封見 爵古 下蹟</small> 羅國	<small>及詳 封見 爵古 下蹟</small> 郢國 <small>及詳 封見 爵古 下蹟</small> 郢國	郡	
<small>詳古蹟</small> 郢	郢邑 郢邑 郢邑	卷一 方輿志 五			縣		



漢東					宜城縣志  卷一 方輿志  六	漢西				
沿						十元 三封 部六 刺年 史置	荊州刺史部 帝武			
置分 治南 宜郡 城編 後縣 徙以 治北	襄陽郡 魏建 武安 得十 荆三 州年	道夷 陵州 陵佷 山	城陽 郡華 臨容 沮襄 枝陽 江邳 夷宜	南郡 秭十 歸七 中城 廬江 編陵 當巫		成夷 道州 陵若 巫高	枝江 宜襄 城郢 陽邳 編邳 秭中 歸廬	南郡 沮十 夷八 陵城 華江 容陵 當臨	南白 郡起 攻楚 取郢 爲	
邳陽俱 郡隸 襄	宜城	郡元即 年若 復永 初	邳	宜城	若	邳	宜城 帝故 更鄢 名惠	郡詳 古蹟	邳詳 古蹟	

				宜城縣志	晉		魏		
立僑 僑立 郡雍 縣州 並	雍州 始東 於晉 襄孝 陽武			卷一 方輿志 七	荊州	江宛 陵吳 荆州 治	荊州 魏南 荆北 州雙 治立		
二沮 樂漳 鄉降 長蠻 林立 領縣	武甯郡 年安 桓帝 元隆 以安 處五	利枝 松江 滋旌 石陽 首州 陵監	南郡 編統 當縣 陽十 華一 容江 郡陵		襄陽郡 中統 廬縣 臨八 沮宜 邳城	義陽郡 郡景 葉初 縣元 屬年 分	城分 旌襄 陽陽 邳之 置臨 沮宜	襄陽南部都尉 元景 年初	於襄陽縣
長林	樂鄉		郡 邳		宜城	郡 邳	宜城	郡 隸南郡	

	齊		宜城縣志		宋
	沿		卷一		雍州 六年嘉分二荆十
襄陽郡 襄陽中廬邳	華山郡 藍田華山上	六年移治巖州領 縣四年華陰西略陽	方輿志	馮翊郡 治大嘉隄今年治立	華山郡 今大治大元隄年領立
邳	華山		八	郡	華山 年大明元
		河陽		襄陽郡 中廬縣邳襄陽	陽州之襄陽南 新野順陽
				陸都領縣三疑都高	州隋大明中又雍
				以爲實僑郡縣	陽州新野順陽
					黃縣三華山藍田上
					城曰華山

北 西 周 魏	襄州總管府 大梁	宜城縣志	梁	沿			
王同 督元 督年 雍岳 州陽		卷一 方輿志					
宜城郡 置魏 北改 周華 省山 入郡	襄州襄陽郡	九	馮翊郡 沿	襄陽郡 沿	華山郡 沿	南天水郡 西略 縣陽 華陰	馮翊郡 高都 陸蓮 勺
漢南山 山魏 爲改 漢華	率道		郡	率道 縣改 置邛	華山	略陽	郡
	新野郡 析德 廣郡 置						
	秦南郡 武析 泉華 縣山 立縣 郡置						
	德廣郡 水廢 郡南 置天						
	武泉						
	略陽						

隋	宜城縣志						
荊州			襄陽郡 北周置	與於魏改曰	襄陽郡	於西魏江陵	侯景之難附 自稱帝而
襄陽郡 統安縣十穀一城	威寧郡 魏改北周野曰	秦南郡 北周革	德廣郡 沿	馮翊郡 北周革	武泉		
率道	漢南	武泉 北周革	上洪 魏改上略	郡 北周革	隸鄆四陽郡入	武建石梁及	郡南 北隸周宜廢城

宜城縣志

卷一

方輿志

十

宋	五代	宜城縣志	唐	
京西南路 後南置渡		卷一	山南東道 賜山南東道 為忠義軍道	
襄州 為宣府和領元縣年六陞襄州		方輿志	襄州襄陽府 穀清南漳樂 鄉宜城義陽鄧七城襄	德廣郡 開皇初革
宜城	宜城 二周二年顯省德	十一	宜城 天寶率七道	上洪
	樂鄉入宜	載更名	宜城縣	漢南 年貞省觀入八

國

京西  
制置  
司撫  
京

陽鄧  
漳宜  
城穀  
城中  
廬

元

河南行中書省

襄陽路

領州二均  
襄陽宜

宜城

棗城南  
陽漳  
穀城  
光化

明

湖廣布政司

襄陽

領州一縣六  
宜城南漳棗

宜城

陽穀城  
光化均  
州

宜城縣志

卷一方輿志

十二

朝

湖北省

襄陽府

沿

宜城

宜城禹貢豫州之域夏為邶國周為羅都邶地後併於

楚秦置邶邶郡縣漢惠帝改邶曰宜城隸南郡東漢

因之建安中置襄陽郡初治宜城後乃徙治襄陽宜

城邶俱屬焉都則仍隸南郡宋初乃隸襄陽郡改宜

城曰華山立華山郡治大隄又立馮翊郡治都梁置

率道而邶縣廢西魏改華山郡曰宜城縣曰漢南北

周廢馮翊郡及都省宜城入武泉武泉者梁折華山

置因以立秦南郡者也後郡廢武泉亦廢故至隋三

舊縣之名俱沒而梁置之新野郡西魏改曰威甯者亦廢惟存率道漢南上洪上洪者宋僑立南天水郡領略陽縣梁廢南天水立德廣郡仍領略陽西魏改縣曰上洪隋開皇初郡廢上洪與漢南率道俱隸襄陽郡唐貞觀元年省上洪八年省漢南入率道天寶七載更率道爲宜城於是始復漢縣舊名而合於一隸襄州襄陽郡宋元不改

國朝因之

省志謂楚邳邑秦置邳縣漢因之屬南郡府志謂楚以郡爲都謂之鄆都秦滅楚以爲縣屬南郡漢

宜城縣志

卷一方輿志

又十二

初其地分爲三縣曰鄆曰都曰邳皆屬南郡今按前漢書地理志南郡十八城宜城邳都並列宜城曰古鄆是漢初三縣皆秦舊也何得專以一縣屬之秦而謂三者爲漢分哉

東晉立武甯郡領樂鄉長林二縣府志謂俱在縣境今考長林亦曰常林古樂府有常林歡以縣立名所詠多宜城事其在縣境無疑括地志謂故都城在樂鄉縣東北三十三里楚昭王所徙在故都城東五里元和志謂春秋都國城在樂鄉縣北三十七里以里計之今縣南境固多樂鄉地矣第二



縣自東晉僑立宋沿不廢及考齊書地理志則郡固在而屬縣已非梁又置旌陽縣後改名惠懷西魏又改曰武山置都州隋開皇七年郡廢大業初州廢又廢武山入樂鄉隸竟陵郡省長林入長甯後又改長甯曰長林今爲荆門州唐初於樂鄉置都州貞觀八年州廢縣隸襄陽郡五代周省入宜城宋割屬荆門軍是二縣自齊梁以後遷改不常固非昔日舊境不得強入邑志沿革故祇即初立時著之表宋以後皆從闕如

舊志云宋改宜城曰華山府志謂其無所本今考

宜城縣志

卷一方輿志

十三

宋書地理志襄陽公相下永初郡國何志並有宜城都上黃縣徐志無大明元年立華山郡華山縣與郡俱立上黃自襄陽割度尋厥原委當是華山未立郡之先縣仍名宜城隸襄陽郡迨華山郡既立縣乃隨郡改名特史有闕文耳况明史稟地理志曰漢宜城劉宋改華山縣何云無所本耶梁書不志地理文獻通考謂州郡多沿舊名然其改易者時時見於他說特爲參酌而著之篇西魏北周本應分列然襄陽之入西魏實在恭帝元年惟時政在宇文越二年而國祚已移故從省

志併而爲一

道志謂率道無始邛都無終今考率道爲梁置隋書鑿鑿可據自率道置後邛即不見於史則率道當爲邛改無疑若馮翊郡都縣省志直云北周廢而隋書地理志襄陽郡屬猶有都或即西魏所置之都州廢而爲縣耳至唐武德四年以樂鄉及襄州之率道上洪置都州貞觀八年州廢故唐書地理志州縣遂無都名則都本至唐而始廢第隋以後之郡難必其爲縣地故從省志爲北周革隋書地理志云北周廢武建郡及惠懷石梁歸仁

宜城縣志

卷一方輿志

十四

鄆四縣入漢南按惠懷西魏已改爲武山何至北周仍稱惠懷而武建及石梁歸仁鄆四郡縣亦不詳置於何時故府志謂皆史之闕誤或謂今縣西有石梁山縣以山得名亦臆揣之辭難以徵信而鄆自改宜城後諸史不見舊名舊志乃謂鄆至是而始沒不其固哉歐陽文忠公曰疑以傳疑則信者信矣竊師此意不敢厚誣人人

道志謂縣地一隅當日何以僑立郡縣如彼夥頤今按東晉以前宜城邛都並見於史宜城西有今南漳地丁蘭傳稱僑寓宜城今故居之改爲刻木

觀者皆在南漳境其明徵矣都縣南有荆門州地故都縣亦入州志沿革而故城實在宜城境內詳古蹟是今荆門之北境多漢時都縣之南境矣邛北有襄陽縣地舊志疆域或言北五十里或言北六十里是潼口驛諸地之割屬襄陽固未久也總之地當犬牙一彼一此盈縮固有不常烏可以膠柱之見致疑芥子乾坤乎

山川 井塘附

紫蓋山西城跨其上舊有紫陽觀今圯由峴山下岡巒起伏迤邐西南結大阜於朝陽觀山形亭亭如蓋其色紫赤故名今書院取名紫峰以此

毓秀山在縣署文廟後諸志皆曰一邑秀氣所鍾倚城東北隅有臺曰毓秀臺亦以此山得名今按非有山勢特土聚成阜高不踰丈今脩考棚建至公堂其上而山形益不可考矣

王家嶺距城東北里許在漢水西新河岸東按此並無峻嶺乃平原地勢稍高者

宜城縣志

卷一 方輿志

十六

赤湖岡在縣南五十里下臨赤湖爲昔日長渠水委古羊岡一名古杞岡蓋卽訛爲杞在縣西北四十里因古有石羊故名道志云狀如羊蹲有觸藩之勢

卧虎崖在縣北十二里或云十八里舊志云昔有人化虎於此偃卧經時故名府志云崖狀猙獰如猛虎俯視漢江宋咸淳間范文虎以舟師援襄陽元將阿朮劉整拒戰於此師不得達

五車山在縣治漢水東北距城二十五里相傳唐龐蘊避世學道舁金五車棄此於是山里渡口皆因之曰五車山五車里五車渡南麓爲上滴水崖昔日漢水

經此舟行往來縈痕石跡猶存西南出泉停池曰老虎冲四圍山水衝激勢猛如虎山北舊有伍子胥廟今廢

北三里有玉屏山形如屏障色潔白俗以姓著更名施家山北麓有二石一名鱧一名蝎皆象形名之南崖有洞俗呼恨虎崖相傳有惡鳥集此能與虎搏遂以名崖

玉屏山東微北有麒麟山今日劉家大山與玉屏山東西對峙中峽有峰矗起里人相其形命曰香鑪嘉慶初里士毛端較撰重脩雞鳴山頂廟碑記麒麟左

宜城縣志

卷一方輿志

十七

峙玉屏右遮中竦香鑪一峰寫肖逼真

雞鳴山在麒麟山西北里許距縣東北二十五里俗傳眞武遊此時值雞鳴故名其實山形中巒突起如引吭雉頸兩旁崱嶮張拱如舒翼宛有山雞飛鳴之勢故昔亦名鳳凰山爲縣東北路諸山出口處

偏頭山在雞鳴山東二里巔頂偏懸東南故名俗傳眞武至其頂山頭遂偏蓋妄也頂壘石砦爲嘉慶元年居民避教匪難處東三里有鳳凰石高六尺許兀立岡嘴雞頭蛇頸東南微缺傳爲棗陽人毀也石前出泉西南注漢

鳳凰石泉南七里有杏兒山山出小銀杏

杏兒山南三里有扁山一名石龍山南北岫腰石皆盤曲如龍西北面有石如署扁故兩名之西麓有仙人坑坑上有石傳爲真武濯足處存馬蹄坐卧遺趾長山在城東北四十五里去杏兒山東北三里山脊自北而南綿亘十餘里尾墜兩乳山岫腰有穴曰仙人洞深無底俗言長山十里空

雞鳴山正北十五里有鯉魚三山皆北首而南尾面向排山

排山在城東北五十里去鯉魚三山正北五里山東嘴

宜城縣志

卷一方輿志

十八

形如卧牛里人以嘴名山與縣屬東南卧牛山複號其實一山二名也山北屬襄陽界

排山東南爲豺狗埡埡西北里許有虎山虎洞

小紅山在城東北七十里豺狗埡西三里

舒家洞在小紅山東南八里洞口高廣丈餘內濶二畝

許南麓有二泉原名二泉山

鐵砧山頂上多石如鐵砧故名亦名鐵冠山一名萬丈坡言其高且平也在舒家洞東南六里西南五里爲天生堰

坡東四里有梭子山南麓有泉

梭子山北二里有過風埡東西兩峰聳峙凌霄惟中埡削弱透風故名

大峰頂在城東北九十里過風埡東六里一名戴谷頂縣屬山惟此爲大其頂又戴南北谷也山南半坡相隔二里許有兩池上爲黃龍池土色微黃水從山出大旱不竭寺僧取汲下爲黑龍池土色黑潢汚特甚上爲雲霄觀山北屬襄陽

谷南麓接壤有大洞坡洞口向東曰朝陽洞內濶四五畝後側有石柱撐之洞頂石紋如雲煙洞下出泉曰珍珠泉

宜城縣志

卷一方輿志

十九

谷東南半里有拔刀嶺嶺脊峭薄似刀嶺後岡曰截斷岡傳爲望氣者所制

嶺東隔溪四里有獅子口山又東七里許有丁家寨山山有石寨爲避教匪焚劫處隔溪西南爲雲臺寺寺門外石鼓叩之有聲西南麓有泉

大峰頂東有十八盤山山路盤曲又東有天坑埡地名邊界隴山北屬棗陽

天坑埡接壤有轎頂山岫腰矗起方石頂形圓銳土人因名

轎頂山隔溪對峙有筆架山形似筆架

曹家山俗名曹家梁子在大峰頂東五里去縣城一百里山北屬棗陽

丁家寨山東南十里有象鼻山山梁垂溪如象鼻下汲山下出泉停池一名象鼻溝

又東南三里有馬鞍山頂脊低凹似馬鞍

兩乳山一名兩耳山兩山對峙形似乳亦類耳也舊縣府志誤分爲二在縣東三十五里東麓有虎洞曾藏虎西南麓湧雙池泉流樓子汙注漢東山頂有龍潭古寺西山頂壘石爲寨居民避教匪難處爲縣正東路諸山出口

宜城縣志

卷一方輿志

二十

東南三里有光頭山山半有黑虎廟

光頭山過峽正西三里有撮箕山溪北突立白石塔普淨寺遺址也俗呼淨頭寺

撮箕山東南五里有獅顧山

光頭山東南五里有尖山峰頂峻峭山東爲盧家畝有墓或曰盧狀元名肯堂寄籍江南擢進士第省里卒葬此乾隆時後裔曾來祭奠考陸肯堂康熙二十四年乙丑狀元非盧姓

尖山北三里有琵琶山坡埂絡繹

□東北十五里有觀音崖崖洞濶丈許深可數尺俗



傳觀音化身駐此冲東爲開元觀傳爲唐明皇時建  
鐵砧山東北五里有郭家寨山上有石砦嘉慶初曾  
避匪亂

砦東北十里有鐵洞山曾出銀礦

馬頭山形似馬首在縣城東南三十五里爲縣東南路  
諸山出口

黃鶯山在馬頭山東南十里一名黃牛山邈迤斜長八  
九里近視如鶯遠望似牛土色黃鄉人因兩名之其  
實一也析爲二非

山東南連屬有麒麟寨山上有石砦

宜城縣志

卷一方輿志

二十一

東北五里有潛家觀山

喜山在黃鶯山東北十里河北集爲姚板店有喜山寺  
香爐山在喜山東北六里山體卑小孤峰特起頂形似  
爐故名土人於上鑿石爐傳爲眞武焚香處然否未  
可知也

山之東有天龍山在縣東北四十里上有天龍坑  
劉家寨山在香爐山東四里山體崇隆背腹陡峭升陟  
絕跡頂平正而紆迴容衆數百千舊列石壘爲明季  
避兵處嘉慶初居民藉禦匪寇全活甚衆今益完固  
寨東北三里有田家崖崖東二里許爲田鎮司汛背

負岡陵面帶南泉河西南拱列崇山泉源旁見羅出  
中涵平畝沃畝倍千汛北數十武周環以水中築土  
堡方廣容二三百人即昔田氏水寨汛東十里有上  
馬石爲棗宜分界處  
汛東南里許有蠟燭山兩山對峙如燭檠並類兩乳  
土人亦有兩乳之號巔巒卑下不達遠觀  
蠟燭西山澗南有大泉坡坡陰湧泉停池方員丈許  
澄鮮淵寂寒沁心脾  
蠟燭東山東北三里有黑山坡土色黑北麓出二泉  
一名官泉一名私泉水皆北流與南泉會

宜城縣志

卷一方輿志

二十二

南泉山在縣東九十里山東爲棗陽界山南出泉味清  
冽滙流曰南泉河山以泉名泉擅河號語具南泉河  
山西南有一關帝洗馬池上有關帝走馬坡  
卧牛山在縣東南七十里形似卧牛土人云山陽再成  
有石像牛精靈曾化牛身竊食禾稼被捕傷胯遂卧  
不起因名卧牛齊諧誌怪之說也舊縣志云有石如  
卧牛狀今漸震入土中語亦無稽今徵之元姚楚山  
詩山蓋以形名矣詩見藝文志山脊有元真觀  
鳳山一名芙蓉山在縣東南五十里山勢翩躚紆曲南  
向團山土色赤黃宛肖鸞鷲飛翔落霞返照朱紫交

輝又如芙蓉初綻燦爛巖阿故兩名之東南四里有青石嶺嶺多青石

團山在青石嶺東南五里山體獨起團巒故名

龍山在縣東南九十里去團山東南十里山南爲鍾祥界東爲棗陽界

窄山在縣東南八十里山脊促狹西南小山半有湯泉三處居人以一作井分二爲池間以石垣其泉極溫隆冬可浴堪療疥癬今隸鍾祥

山西二十里有下龍山舊縣志作隆山山外曲有市俗名流水溝

宜城縣志

卷一方輿志

二十三

又西北九里有汧庫山其西練港

赤山在縣東南五十里山頭突起漢心爲縣漢水扼要處土石皆赤俗名紅山頭半崖有仙人洞濶丈許曾有仙人居此滴水崖下相傳爲姜太公釣魚潭跡尙存

西北六里有望湖山又西北十二里有迴龍觀山又西北三里有獾子洞山洞昔出獾貉山內曲建新市名堖口

目下龍山至獾洞五處俱臨漢水

鳳凰山在城南偏西四十五里舊站園西雞頭蛇頸兩

翅舒張有飛翔千仞之勢西爲毛狗岡岡南有毛狗洞西北爲焦子嶺南爲黑凹山

鳳凰山東新店南岸驛路西有筆架山與東北轎頂山對峙者同名

覆船山有二形似船仆上覆船山在縣南四十里孔家灣西北麓有馬良塚下覆船山在牛心砦南又南爲鷹子嘴又南爲紗帽山交鍾祥縣界

焦子嶺西有土地嶺在縣西南五十里爲鍾宜分界處

上覆船山西北三里有南鷓子山石形似鷓與近青

宜城縣志

卷一方輿志

二十四

牛山者同名

南鷓子山西北有鯉魚鑽天山狀形似也

分水嶺在縣西南六十里土地嶺西荆門宜城分界處八萬山在土地嶺東北五里陡峻巉叢迤邐起伏頂壘石砦相傳明末避亂砦中者全活八萬餘人故名北有跑馬嶺

夫子堦在縣西南四十里兩峰高聳中堦庠下路達平原中爲胡耳冲爲縣南諸山出口相傳夫子遊此故名詳古蹟西北有火石山

鷓子山在牛心山過峽東南里許上有天坑深不可測

宋元軍戰牛心山多坑此半崖有兩風洞風自洞出  
冷然善也土人云山瘞古礮一尊無心常現南麓有  
泉曰龍潭

牛心山一名青牛山岫腰有青石像牛在縣西三十里  
山頂建眞武廟多靈異爲縣西諸山出口牛心山南  
山壘石砦形類腰盆亦居民避亂之處

女冠山在縣西二十五里牛心山北山頂形似女冠晚  
嵐橫翠如凝黛東麓有女冠娘娘廟舊志訛冠爲觀  
女冠山西北進口有虎頭山

虎頭山西南有龜山西五里爲上口泉又西爲宜南

宜城縣志

卷一方輿志

二十五

橋山溪自北流南俗呼腰斷溝

又西爲北界山宜南分界處

天池山山頂有池出泉近就堙在縣西二十八里上有  
石砦爲明末避兵處土人云山上有無影劍徃徃而  
見今俗目以族曰楊家大山

天池山西南有西界山

萊公山在縣西二十五里女冠山北山產仙韭莖葉俱  
似家韭而味殊勝又產仙桃形大如鈕味甘美宿根  
無再實移疇不滋生山南有石人凹西有雞籠石昔  
嘗棲宿山雉山壘砦嘉慶初鄉人避教匪亂處

石梁山在縣西三十里萊公山西南雍州記形似橋梁故名北崖有虎洞濶八尺許深丈許內通小洞深莫測舊有龐德公祠久廢岫腰有黑龍大王廟禱雨靈應隋書地理志漢南縣有石梁山即此又云後周時廢武建郡及石梁縣舊志謂縣以是山得名亦臆揣之辭詳辨沿革下

小尖山在石梁山西北頂石嵯岬如鳳如麟俗名冲天鳳亦名寶蓋山

蚌山在縣西三十五里小尖山西北崱嶭伏瘵形如蚌也山頭聚村名申家嘴嘴西南屬南漳

漢水由襄陽鹿門灘下東南流竹篙望西折小河口入縣境西岡有城曰烏耳水經注邛縣東北沔水左有騎城疑即此城詳古蹟小河者潼口河也水發源七里山東流會伏龍洞水又東過丁蘭橋至艾家莊南繞卸甲山下抵潼口東南入漢府志謂即古中廬之維水口水源出房縣維山水經作淮山者是也南下爲大橋灣有水口注漢源自西北來甚遠地形與水經疎水出口甚符又南爲上峰寺爲小營爲羅家河有支流由此東行又南爲確子灘宋咸淳五年范文虎以舟師二十艘援夏貴戰敗以輕舟遁即此灘在

卧虎崖下乾隆間淤成巨洲一窪細流盡洲嘴乃達於漢今則潰爲巨浸直抵迎水洲矣其由羅家河東行者上流猶昔日故道過漣泗洪灘則不循故道折而西至南營里過燕家營出龍家溝口至迎水洲合流南下爲寶潼河對岸爲萬楊洲舊名中洲即水經黎邱城下繕洲秦豐更名秦洲者是也康熙中邑令胡允慶植柳萬株民因呼胡公柳嘉慶間署令方策改爲補楊洲又南爲團灘腦元阿朮與范文虎戰於湍灘即此南爲黃家溝口木渠水新河水合流來注迤東爲古梅園俗名木瓜園即古木里溝北流注漢

出口又東逕茅草洲果河口又東爲郭海營東抵乾河口漢故道也古長渠之東渠注此官莊渡舊名望江集東有古漢道今漢走集西歷蔡家河東過樓子汧清水港兩乳山泉水流注之又東陰港南泉河會珍珠泉流注之舊縣志湍灘下有赤灘謂宋京湖都統張世傑救襄陽遇元兵戰敗於此今已徙去又東爲赤山爲練港卧牛山泉水由龍尾山來注有白魚灘豈即赤灘改地而易名歟又東爲下龍山市名流水溝南下木香港唐段成式別業在焉今名關家營豹子崖泉水由下竇燕注漢會此港南屬鍾祥對河

爲劉尙集移來左旗套水塘爲郭海營東南路而今漢洪之西岸也集南五里曰倒口爲蠻河匯漢處舊志有倒上洪灘云船至此必倒轉一灣方可上遇蠻河水漲則逆流去交叉灘七里灘在破河腦左水經作了灘今則名俱不著故老云倒上洪今改作劉尙集自流水溝至倒口水中淤洲曰安家洲族姓不一鍾宜雜處洲西南抵乾河口口西葛藤灣東南爲龍王洲護駕洲今俱半爲水嚙竟口最遠者則樊村洲也俗言四十五里樊村洲其倒口南岸爲石羊灘而漢水出宜城境矣

漢水自古遷徙靡定酈道元水經注已不盡合禹蹟乾隆二十五年陳守修府志所撰漢水經流考與水經互異者亦將幾半今又多歷年所豈復曩日舊觀然光均而上兩岸夾山無甚改移穀襄一帶雖或不無變遷而間夾山阜中峙城鎮大段不致紛更惟宜屬地方東西山崖懸隔沿瀆多平原曠野而東洋之古城隄與縣垣之護城隄濶別不扼漢衝泛漲崩淤不數年而蒼桑易處質之載籍稽之故老大約昔日洪傍城東雞鳴山下諸瀆河處緯痕猶存下荆南道志所云宜城隄故道繞鳳



鳳山而下距城二十餘里者是也明嘉靖四十五年九月一夕改移鵠潼河

國朝雍正二年洪又移行萬楊洲東而鵠潼河淤成熟地數千畝與萬楊洲合而爲一而洲東之洪竟抵官莊其由羅家河東行者過漣泗洪歷五車渡楚王城抵韓公渡而分東西流東者則抵官莊渡西者則繞淤洲嘴而與細流合淤洲者乾隆間於卧虎崖下確子灘淤成巨洲一窪細流竟洲嘴乃達於漢嘉慶初漢水數漲遂徑由巴家洲循卧虎崖直流迎水洲復鵠潼河故道而漣泗諸洪皆成

沙岸萬楊洲之外洪亦淤咸豐間又冲破羅家河舊口初則水漲時僅通小艇今則激成巨洪南營故市皆沒於水即鵠潼河亦非昔日村落而茅草洲昔被水蝕移於三汊港者又淤出沙洲距市數里矣其下之護駕洲等處皆漸蝕漸遠幾歸故道高岸爲谷深谷爲陵即此上下數百年間而遷徙不常已幾於莫可考詰等而上之宜乎濟水已涸而九河之故道不免聚訟紛紛也

蠻水入縣境去城西四十里地名申家嘴初名鄢水宜城在古名鄢取此水也後以水出戎夷之地更名夷

水古沮漳地於楚爲戎夷晉避桓温父彝嫌名改曰蠻水至今因之源出保康南漳交界之司空山古名康狼山與荆山相隣水分二道其一入南漳納西北郭洪白溶白駱諸河暨魚泉黃龍各洞泉而經南漳城之西南曰縣河又東南流納青泥灣聞口之瀟溪河至武安鎮西謝家臺下之張家營會清涼河八都河源出三峽洞東流至牛頭山下李家營入蠻河二水又東南流洪山寺納栢家河水土人云古泝水會鄢水於此北流神龍寺又東過蚌山頭入宜城縣境即蠻水也自蚌山頭東南過故縣城今名北湖岡北流朱家嘴南下石灰窑

宜城縣志

卷一方輿志

三十

廖家河縣西龍潭泉水經含珠寺而流注焉又東南經雷家河孔家灣南漳縣黑河源出菓盒坪之朝陽洞歷荆門交界之安家集至此而來會焉東逕新店舖鍾祥古佛寺青龍山泉水歷縣屬金家灣會黑凹山泉水過鳳凰山東北流象鼻嘴注之又東過破河腦流任家河謝家河出倒口一名雙河口注漢按水經沔水又南逕宜城縣東夷水出自房陵東南流注之注夷水蠻水也桓温父名彝改曰蠻水夷水導源中廬縣界康狼山山與荆山隣其水東南流歷宜城西謂之夷溪又東南逕羅川城又謂

之鄢水春秋所謂楚人伐羅渡鄢者也又東南與零水合即沔水也與夷水亂流東出謂之沔水逕蠻城城南春秋若敖自羅敗退及鄢亂次以濟沔水是也夷水又東注於沔昔白起攻楚引西山谷水即是水也括地志鄢水源出襄州義清縣西界託伏山寰宇記蠻水西至義清縣界東南流入宜城縣逕縣西去縣三十里有白公灘南雍州記云秦將白起伐楚之日涉此水而渡因號白公灘有三磧亦名三洲赤石湍詳考衆說水經注謂東南流與零水合即今之流洪山寺納栢家河者是寰

宇記謂東南流入宜城即今之自蚌山頭過故縣城者是餘俱相符因詳錄於此以資考證

新河者漢江老洪新開之汊河也在城東護城隄外北自卧虎崖分支西南流太平岡東繞使風港今名段家河南下龍潭港路西建有表墓碑明令朱崇學爲齊辯士溘于髡立髡墓在侯塘營此則遙表官道者又南爲紫陽港港在紫蓋山陽也至樂善橋磨珠湖導西岡水流注之由是而下護城石隄所自起隄岸磴鎮水石龍首二故名龍頭傍河植柳入春金碧輝映蒼黛凝眸縣志八景所稱東郊柳色是俟過彭家

三道石橋東爲馬家巷耆舊云蜀漢馬良故里也南  
歷屈家溝軛頭灣西折蠟樹園木里溝水由豬蘭橋  
來會焉過蘇湖橋爲蘇家站站西半里有打鼓臺其  
北爲團岡舊名圓倉秦白起拔鄢操軍於此臺東有  
走馬隄傳卽白起走馬處志載邑境走馬隄三此其  
一也元宋以前置驛站明改爲牧馬廠

國朝邑令郭維垣編入民賦又南過孝友舖東流梅家灣  
注黃家溝口抵牛家埠北復歸於漢

新河在縣境出漢入漢上下歷三十餘里中流當  
城三面附近隄郭爲縣關津衝要雖原派之太平

宜城縣志

卷一方輿志

三十二

岡東曾經淤積土阜今漢洪遷徙無常卧虎崖嘴  
水嚙過半將來通塞正未可知縣志載此河經流  
零星脫落等之蹄涔行潦未免漏忽今特履訪故  
址詳其記止表而出之以便稽考焉

踈水舊在縣北出南漳縣北東流至縣界入漢一名襄  
水一名涑水水經注沔水又南與踈水合水出中廬  
縣西南東流至邛縣北界東入沔謂涑口也

按後漢書郡國志注引荊州記踈水作陵水元和  
志襄水出南漳縣北一百一十里白石山寰宇記  
今土人呼爲涑水上流亦呼爲襄府志謂漢志注

之陵水文獻通考宜城之涑水皆即踈水傳寫筆訛甚是獨駁襄水一名涑水者爲非是曾未思宜城襄水出南漳北白石山襄陽襄水即府城西五里檀溪南支注白馬陂者固兩不相蒙也今縣境北界涑水名隱惟大橋灣有溝口東流注漢土人云水源自西北甚遠夏時雨集澮盈水不斷流其地適當古中廬東南與舊說地形符或即踈水出口歟採訪記

涑水一名零水一名淇水在縣西源出房縣南東流保

康縣

縣南有廢涑鄉縣

又東逕南漳縣又東達縣界入於鄢

宜城縣志

卷一方輿志

三十三

水水經注涑水上通梁州沒陽縣之默城山其水東

逕新城郡

即今房縣

之涑鄉縣

即今保康縣

縣分房陵立謂之

涑水又東歷軫鄉

廢址在今南漳東南五十里

謂之零水晉武帝

平吳割臨汜之北鄉中廬之南鄉立上黃縣治軫鄉

涑水又東歷宜城西山謂之涑溪東流合於夷水謂

之涑口也與夷水亂流東出謂之淇水逕蠻城南城

在宜城南三十里明史稿地理志宜城縣有涑水自

漢中流入境合於蠻水謂之涑口明史地理志同涑

鄉或作涑鄉涑水或作汴水皆傳寫訛耳湖北通志

淇作涑又云涑亦作祁字書涑音麗涑音示

長渠道自蠻河初起縣西六十里之武安鎮訖縣南十五里之故襄城從縣西北繞西南號百里長渠一名白起渠水經注云夷水舊竭去城百里許水從城西灌城東注爲淵今熨斗陂是也後人因其渠流以給陂田城西陂謂之新陂覆地數十頃西北又爲土門陂從平路渠以北木蘭橋以南西極土門山東跨大道水流周通自新陂東入城逕漢南陽太守秦頡墓北又逕金城前又東出城東注臭池又入朱湖陂亦下灌諸田又入木里溝又白起渠溉三千頃膏良肥美更爲沃壤元和志云長渠在義清縣東南二十六

里派引蠻水昔秦將白起攻楚引西山谷水兩道爭灌鄢城一道使沔北入一道使沔東入遂拔之今考渠形故址西由方家堰之張家營歷太山廟黃家臺雞公壩馬家營界牌頭方家岡諸村以北陂坂東接縣屬楊家河西折黃家林過王旗營陳家營北循侯塘營西南經姚家湖東吳家灣四由三里廟東至拖鋤溝卽當日秦師掘渠拖鋤處又歷艾黎兩姓岡吳家店經魏家岡楊家岡胡家岡皆踞高阜至棗林乃逕故襄城東南之湯家岡寮河園劉家營少北由何家莊流蕭家大嶺北與木里溝口合而注於漢其南

一支由臭湖過三眼橋逕長湖南循赤湖岡東逕郭海營西北曲而入於漢謂之東渠號爲天下膏腴曹魏時夷王梅敷聚民萬餘家據食其地謂之柎中吳朱然兩提兵爭其地不得唐大曆四年節度使梁崇義修之宋仁宗至和二年縣令孫永又重理其堙塞而復渠舊曾南豐著爲令而爲之記宋李后糴奩田租入在是自是而後宋都統率公荆湖制置使李曾伯總領蔡勣更番濬治迨縣令陳表臣增起水門四十六通舊陂六十有九民享其利者益溥元至元十六年屯田官劉漢英泊其屬丁思明等復建議改營宜城縣志

卷一方輿志

三十五

其時租入較倍大德六年中政院同僉李英領內金修築武安靈溪二堰襄陽路教授何文淵作記詳見藝文志渠蓋歷千七百數十餘載而屢興不廢惟有明逮今久隳未葺

國朝嘉慶十二年宜南兩縣士民合呈請修督憲汪志伊檄觀察王正常詣勘估築方擬畚鍤從事武鎮人懼其利民妨商也因而中止及咸豐十年宜南士民復合詞請修現在頻年疏鑿因工程浩繁尚未告成事焉

木里溝一名木渠始開於楚漢南郡太守王寵又鑿之

宋治平中縣令朱紘再鑿之鄭獬有記今考溝源出故中廬縣之清涼堰由今襄南交界之丁吳集歷縣屬草場七里溝長工堰壬子陂西流胡家坡梁家壩東注大溝橋由是而東南會西壇港港在縣西一里社稷壇之南故名又東過龍門橋鯉魚橋又南逕豬蘭橋自是東南流至臘樹園會新河水南過蘇湖橋東抵黃家溝口與漢合一由蘇湖橋經打鼓臺至火神廟有碾石橋溝形微狹至團倉陂溝形始濶循湯家灣訖木瓜園入漢

諸舊志皆以此爲西潭溝或曰西壇港而謂木里

溝在縣東一名木渠引水經注云楚時於宜城穿渠上口去城三里漢南郡太守王寵又鑿之引蠻水灌田謂之木里溝逕宜城東而東北入於沔謂之水口也又云臭池灌田陂水散流又入朱湖陂朱湖陂亦下灌諸田餘水又下入木里溝溉田七千頃謹按鄭獬木渠記謂出於中廬之西山擁隲水走東南四十五里逕宜城之東北而入於沔後漢王寵守南郡復鑿水與之合於是溉田六千頃何文淵云靈溪首受清涼河水下通於木渠蔡勘云是渠也延袤三百里今水之發源清涼堰歷丁



吳集迤邐至於蘇湖橋分爲二派一抵黃家溝口入漢一由木瓜園入漢者與諸說源委適符其爲木里溝無疑而舊志所以致誤者蓋自蘇湖橋而分至打鼓臺僅通細流木瓜園之水口又淪於漢則既疑是溝之不能至木瓜園而於當日王寵鑿水與之合者求其說而不得遂以長渠入漢之北支當之抑思此入漢者有三百餘里乎能溉田六千頃乎此固不擊而自破矣父老傳聞猶有能言其故者因旁採而核正之

東渠在今縣東南四十里古長渠入漢水口水分二道宜城縣志

卷一方輿志

三十七

一循蕭家大嶺北出木瓜園今淪於漢一南循赤湖岡東逕郭海營出漢之故道乾河口所謂東渠者也今非漢漲水即枯涸

附考

宋高宗紹興二十二年督視湖北京西軍馬汪澈言荆湖兩軍屯守襄漢糧餉浩瀚襄陽古有二渠長渠溉田七千頃木渠溉田三千頃兵後堙廢今先築堰開渠募邊民或兵之老弱耕之其耕牛耒耜種糧令湖北京西轉運司措置既省餽運又可安集流亡從之自是歲可登穀七十餘萬斛民償種私其餘官以

錢市之公私兩濟

宋史河渠志淳熙八年襄陽府守臣郭杲言本府有長渠在中廬縣界擁馮水東流四十里入宜城縣後漢南郡太守王寵嘗鑿之以引蠻水謂之木里溝可溉田六千餘頃歲久寢湮乞行修治十年詔疏木渠以渠旁地爲屯田尋詔民間侵耕者就給之毋復取二渠者吾宜水利之大者也自白起王寵相繼疏鑿灌溉益廣嗣是唐宋及元疏濬不廢民食其利誠溥矣哉降至有明日就湮塞今則遺蹟猶是也求所謂當日灌溉之利蕩然無存蓋時勢之推移

數百年於茲矣乃以大利之浸廢致嘆興利之無人夫自勝朝至今其間豈乏忠信之長慈惠之師慨然以修復秦漢遺蹟爲任者而或憚於工力之浩繁因而畏難中止者有之或艱於度支之絀乏因而扼腕太息者有之豈知事無難易顧志願何如耳公之愚也竟能移山鳥之拙也亦堪填海矧以今日之人情語及疏渠靡不踴躍思奮誠得端方廉明之士羣相督率則有治法復有治人將見荷鍤爭趨工力無煩於勢迫裹糧從事度支無用乎帑藏其力易集其益無方誠所謂因民之利而

利之也斯時而有孫永李英其人者民日望之矣  
楊柳湖在縣東二里今城東無楊柳湖有蓼子湖  
泰山湖在南泰山廟東內外兩隄間北接東城濠  
蘇湖城南七里宋元時驛站縣境八景蘇湖漁唱居一  
臭湖在故襄城東水經注白起攻楚引西山谷水灌城  
水潰城東北百姓隨水流死於城東者數十萬城東  
皆臭因名臭池韓愈驛記云有蛟害人漁者避之  
撈屍湖縣南二十五里白起灌鄢溺死者於此撈屍  
石子湖縣南四十里有深潭舊志破河腦注楚乎王葬  
是湖而作虛塚南岸辨詳古蹟

糠皮湖故襄城西七里相傳白起決鄢水灌楚以糠皮  
覆湖面楚人多誤溺故名其東南有赤湖長湖

按糠皮覆湖計等兒戲斷難欺人况湖僅去城七  
里楚人所習經豈有不知而誤蹈者此語無稽  
鐵甲湖縣西北十里相傳闖賊亂後有鐵甲浮水面  
天鵝湖在侯塘營縣西十五里昔有天鵝集此  
磨珠湖縣北二里紫陽觀東北有龍磨珠於此  
拖鋤溝縣西七里即秦白起灌鄢掘渠拖鋤處  
蓮花池一在城內西南一在泰山湖北府志云深廣數  
十丈夏月凭欄敷紅凝碧香風襲人今皆廢

龍池在縣南十五里故襄城內府志謂即韓昌黎驛記  
曰起堰今有龍池寺昔有上寺中寺久廢此特下寺  
耳

月牙池狀類新月在古羊岡地舊志韓昌黎撰有碑記  
毀於賊尚存昌黎詩見藝文志

金沙泉舊志在城東二里其水造酒甘美世謂之竹葉  
春又名宜城春近井泉已堙舊傳今雲水洲村中井  
即金沙泉也水造酒亦美謂之雲酒

南泉河源出棗陽潯源山曰潯水達縣東界泉泓濶大  
出口曰南泉畝灌田千餘畝流西北轉西南歷縣境

宜城縣志

卷一方輿志

四十

七十餘里爲東北諸泉會歸宗流故即泉名得擅河  
號自是西北流上馬石北會象鼻山汧泉由蕭旗營  
來注西南流黑山陂官私二泉水注之又西流田家  
崖大泉陂泉水南來注之雲臺寺泉水由大沙橋北  
來注之過蘇家崖劉家寨及棗陽轄地金家山嘴西  
逕喜山又西北流兩河口會珍珠泉水西流迎水寺  
寺門迎向兩水又西南繞菖蒲寺沿寺西南泉發數  
十處水易涸竭無灌溉資俗謠云七十二部泉不救  
半畝田咎其昧因地利也過狗耳灘張家河南下馬  
蹄畝桃灣毛竹圍孔家畝至陰港迴龍觀而注之漢

按南泉河里人指自棗陽大洪山來考大洪山在棗陽東南今隨州西南一百二十里山出澗水支水均水石水俱於州境東北合流而東南流入應山安陸雲夢應城諸縣至漢川而入於漢不注宜城惟棗陽西南七十里有澗源山出澗水西流入漢此外更無別水西流棗境又不界漢濱蓋誤指澗源山爲大洪山也

象鼻山汧泉潛出停成汚池曰汧在田鎮北偏西十八里東南流馬鞍山過蕭旗營至上馬石與南泉河會

宜城縣志

卷一方輿志

四十一

雲臺寺汧泉出丁寨山西南麓南流楊家棚過唐家冲沙河冲樓子灣郭家坻至大沙橋又東南而與南泉會

珍珠泉源出大洞陂南里許泉發數處或仄出或湧出水汛如珠南流仙人壩壩本碎石堆積泉水冲激溜成天然石塘宛如仙助南過秦家樓兩樓高聳石砦鐵門四圍女牆礮眼傳爲明未避兵處後值教匪滋擾居民資以禦寇又西南流陳家灣溝西突起四塚呼爲古墳岡碑碣殘滅姓氏莫考逕陳家臺西南流兩河口與南泉河會

老泉仄出筆架山西麓停水成池方圍丈許南流陳茂  
冲楊家臺五桐廟南與珍珠泉水會

二泉出二泉山南麓泉池圓徑六七尺南流舒家灣夏  
家河上麻王旗上盧家畝繞牌樓岡東至下麻王旗  
過狗耳灘流菖蒲寺西北與南泉河會

梭子山南麓濺泉泉一見一否曰濺流西南里許曰陡  
厓槐木溝泉水自西北來注南歷張范苗家三灣過  
開元觀逕鄭栢二姓灣南抵陳家臺與珍珠泉水會  
小洪山南麓泉源南流張家碾子玉皇閣張家灣又南  
過鳳凰臺嚴家河折而東逕尖山北又東南繞邱家  
宜城縣志

卷一方輿志

四十二

店歸南泉河入漢

豹子厓泉出卧牛山西南麓泉發處曰麻雀河分水嶺  
北支七里冲水自東北流來注之南流徐家腦瓦子  
堰又西南過芙蓉山又東南流毛耳溝西爲青石嶺  
又南過孫家灣上竇燕又西南流中竇燕東北有坡  
曰雷神觀西南爲周家坡又南歷下竇燕抵關家營  
注木香入漢

雙池泉出兩乳山西南麓泉停二池西北流過石龍石  
門下小泉冲滙沿溝湧泉出口流馮家營龍家巷  
清水港南樓子汙注漢

兩乳山峽有石門石壁旁列中通一路向東三里許  
爲龍溝溝底怪石綿延宛若游龍蜿蜒于中濶約五  
寸長約四丈自質而紅章鱗甲森然一一可數或隱  
或見因石之高低以爲龍之起伏盡處突有大石昂  
起方圓丈餘耳目口鼻鬚眉畢具雖繪畫之工不能  
過焉

龍潭寺泉源出佛殿後在扁山西南六里昔由西南流  
歷官庄西南會兩乳山泉水注樓子汊入漢今經王  
旗營走安家腦遂與扁山北泉西流毛家嘴者俱於  
此截流由官庄北即達於漢不復出樓子汊矣

宜城縣

卷一方輿志

四十三

虎冲泉出五車山西麓南流烏江湖東折左家灣入漢  
南北泉源出鯉魚山西北流朱家港西過鉄練橋入漢  
咸豐九年文生毛豹文自鄧家灣開渠溉田千餘畝  
此水初棄於無用自渠開而大資灌溉然則利固  
由人興與宜之水利其有待而興者跂予望之矣  
潑陂泉昔有潑陂舖西北流毛家港西過張家橋入漢  
大泉源出鐵官寨山東厓下泉發處曰大泉畷分水嶺  
東支泉水由宋家溝西北流來注杜家園冲水由東  
流來注走香河園郭家灣東南過響河又西南逕黎  
家觀樂化潭又南會鍾祥轄地湯泉出姚家河入漢

上口泉源出天池山東汪石灰窰南入蠻河

龍潭泉源出鷓子山清漪不竭東注蠻河縣八景之一

雙目泉東北流黃土山會老鸛冲泉又東注蠻河

黑河口泉源出朝陽洞東南歷安家集至孔市注蠻河

黑凹山泉上接鍾祥青龍山泉東北流象鼻嘴注蠻河

井塘附

縣門井在縣署甬墻西 杜康井即杜康造酒泉今湮

甘泉井在西街石盤四眼亦名四眼井味甘美相傳井

泉通蜀昔有汲者得魚一尾繫有蜀地放生牌

千佛井在報恩寺今名西刹古井 南堰井在報恩寺

宜城縣志

卷一 方輿志

四十四

東南 銅盤井在文昌樓西北舊傳井底堰有銅盤

昭王井一名韓公井在故襄城內傳言汲者死人不取

俯視唐襄州刺史韓朝宗移書諭神自是飲者無恙

七星井七井排列如北斗在棗林七星路南

扳倒井在縣東北朱家港相傳漢光武經此人馬俱渴

爭扳井飲之 關王井在縣東六十里

八角井在石梁山龍王廟前詳壇廟

道志云縣之陂塘可紀以備蓄洩者六十有二區東南

北陽社塘堰十一咸甯社塘堰九東永豐社塘堰八

泊洲社塘堰十四嗜義社塘堰五南羊古社塘堰六



古羊社塘堰九

按縣志所載陂堰質之道志六十二區已不甚脛合歷今垂百有餘年尤多廢墾成田殊難覈其故處謹據名存未墜地有可稽及近來改築堪備蓄洩者採而列之

曲尺堰在城西七里廟 丁家壩在城西南六里有禡  
襠堰 涼亭堰在七里廟西北 八畝堰在涼亭堰  
花廟西□桑樹堰一名荷花堰一名鈿頭堰在七里  
廟東北廣長五六畝

梁家壩在桑樹堰西北五里董家大堰在侯塘營南

宜城縣志

卷一方輿志

四十五

北壩在侯塘營董家大堰南廣長三十畝

汊湖壩在北壩東南黃憲塚西南大與北壩埒

杜平寺塘在城西二十五里

楂角堰在紫陽觀西北 長壩堰在楸樹林南

李家大堰廣長十畝姚家大堰方廣十畝在李堰西南

李堰北一里有高堰大僅及畝貯水經久足資灌溉

高堰東北半里有五臺堰廣長四畝餘西南一里有

鈿頭堰又有破堰在牛路東北廣圍四畝許並隸鐵

甲湖

膳馬堰即昔洗馬堰在胡家坡北 蹇陂在縣西北二

十里 包子堰在壬子陂西南 壬子陂在縣西北  
十五里屈家塘在縣北屈家營今有大堰數口大五  
六畝及十餘畝不等

長墻即昔金陂在城西南十里 西官堰在城西十二  
里廣員三十畝 南官堰在城西南十二里廣員十  
數畝 孟家堰在艾家岡東南十字冲西廣長可十  
畝 潼口堰在辛張營方圓二十畝又有倒灌堰  
磚窰陂胡羊陂俱在常家營北東有蓮花陂 新陂  
在故襄城西南 赤岡陂在城西南二十里 康陂  
在城西二十五里 魚陂在城西三十五里

宜城縣志

卷一方輿志

四十六

蜈蚣塘柳葉陂青龍塘楊柳塘俱在古羊岡 古羊陂  
在古羊岡南 賢陂塘在故縣城北有上下賢陂  
蓮花堰在豬蘭橋西南廣圍五六畝雷家大堰在蓮花  
堰西北廣圍十七八畝東南有堰亦名褲襠  
破堰在團岡南 葫蘆堰在熊家岡  
開元塘在開元觀東北  
天生堰在縣東北五十里三面傍山聊假堤埒即成大  
陂宛如天生廣員二十餘畝  
珍珠塘在縣東北七十里  
臥牛山塘在縣東南臥牛山下

獅顧庵塘在縣東南五十里

泉水堰在故縣城西方員五六畝

周家大堰在泉水堰西北方圓二十餘畝

石塘在胡耳冲水出雙目泉

羅旗堰在黃泥堰西

黃泥堰在鳳凰山右翅內舊站園西方廣十七八畝

志乘載山川名象源流徃徃零星數語意取簡嚴  
該括卒之掛漏影响辭不達意致使高山巨川等  
之士阜蹄涔甚或方向錯亂位次倒置雖生於斯  
長於斯而展卷茫然率苦巢樓而莫辨其林夫史

宜城縣志

卷一方輿志

四十七

例志體尙簡而事不能達倣古而制不符今琢句  
而辭晦其意考核疎謬事不實錄皆譏辭取達意  
而止豈徒以少爲貴乎茲記慮飲水忘源甯詳勿  
畧山必肖形紀勝水則窮源竟委俾巨細崇卑咸  
開生面披冊如指諸掌書地可以成圖故不憚語  
之繁詞之複也

宜城縣志

第二冊

卷一

方輿志  
下

卷二

建置志

宜城縣志卷之一下

方輿志

古蹟

津梁

風俗

古蹟

宅墓附

羅川城在縣西南古羅國

省志

伐絞之役楚師分涉於

彭羅人欲伐之

左傳

羅在宜城縣西山中杜注東水

歷宜城西上又東南逕羅川城城故羅國也

水經注

按諸書所稱羅在今縣西境無疑舊志謂在縣東

北二十五里者誤

故襄城在縣南十五里省志楚故城今謂之故牆即鄢

也故城今為牆者由梁太祖父烈祖名誠當時避之

宜城縣志

卷一方輿志

一

故至今猶然

元豐類稿

謹按故牆即故城也後世語

音轉變訛牆為襄因復加以城字歷來志家未有得

其解者賴有元豐類稿及漢隸字源為可據耳

省志

按解者謂楚頃襄王時秦將白起決鄢水灌楚都

拔之以為鄢縣漢初因之惠帝改鄢為宜城徙治

今之故宜城後復遷此魏武置襄陽郡初以宜城

為治所後移郡治於襄陽因以故襄曰之其說似

矣然秦之鄢縣漢初因之惠帝西徙後復遷置者

寔在今縣南九里之宜城故城不在此土襄陽郡

烏得治此府志特臆說耳互詳於城池下

又按路史熊繹初封丹陽今秭歸武徙枝江亦曰丹陽楚文都南郢即江陵又謂故郢昭王避吳遷都今宜城爲北郢惠王遷鄢在宜城曾氏謂屈瑕亂鄢以濟者都鄢非久都故惠王末墨翟重繭趨郢宣王時王宮遇盜郢軍見黜懷王入秦齊使郢中立王皆昭惠以後事然則謂頃襄大去後人以此爲襄王故城謂之故襄城者亦未之深考也

郢縣故城在縣南春秋都國楚滅以爲邑昭王徙都於此秦置縣漢及晉屬南郡宋齊屬馮翊郡後周廢

志南郡若注楚昭王自郢徙此師古曰春秋傳作都

### 宜城縣志

#### 卷一 下方輿志

二

漢書地理志

沔水又經郢縣故城南郢縣南臨沔津

津南有石山山上有烽火臺臺北有大城城即楚昭王爲吳所迫絕郢徙都之所

水經注

春秋都國城在

樂鄉縣北三十七里

元和志

按都旣爲楚昭王徙都之所而故襄城內王宮殿城形趾猶在其爲一地無疑惟括地志云故都城在樂鄉縣東北三十三里楚昭王所徙在故襄城東五里後來諸志遂因此析而爲二抑思考據地理必其近而可信者班書以漢人志秦周事自較後人爲確況故襄城形勢雄勝垣墉巋然至今猶

在碎瓦墁磚縱橫布野而城西五里一望蕩夷夫  
楚昭至今二千餘年秦置都縣北周始廢豈有遠  
者未盡邱墟而近者反爲灌莽耶況昭王遷都雖  
非久都然旣去之後先王之宗廟固在也當日必  
建爲都邑秦旣得楚之都豈有不邑於此而別營  
於其西之五里者此情事之必不然者也省志旣  
謂都縣爲昭王所徙而又載括地志之說不幾自  
相矛盾乎茲分列二城仍其舊例而詳辨之以諗  
實事求是者

宜城故城在今縣南九里本古鄢國秦置鄢縣漢改名

宜城縣志

卷一

下方輿志

三

宜城而治西徙後復遷此宋大明元年改宜城曰華

山移治大隄南郡宜城故鄢惠帝三年改名

漢書

地理志

宜城縣故城在今襄州率道院南其地出美

酒

後漢書注

故宜城在縣南九里

元和志

今宜城縣

南有宜城故城即古鄢國也

春秋傳說彙纂

宜城遷

縣在古鄢子國

括地志

府志因萬曆志誤云即楚都縣遂謂鄢都漢分兩  
縣不得以一城當之即地出美酒亦謂未確乃以  
秦之鄢縣漢改爲宜城者爲今之故襄城抑思彼  
爲都國昭王都之始改爲鄢郢此乃古鄢國耳宜

城故城在古鄢國非古都國也況括地志謂遷縣在鄢子國而楚封鄢子於鄢史有明文則是城之爲古鄢無疑何至因萬曆志之誤而一概抹殺乎若舊縣志謂即今治則竟忘却貞元遷縣一節矣故宜城在縣西三十里地名北湖岡城址尚存背負小尖山面帶蠻河即漢改鄢爲宜城所遷之舊治也故宜城有舊縣廟俗呼爲杞縣廟省志此城西去三里即今南漳縣界然漢宜城西界尙遠故丁蘭傳稱僑寓宜城而孝子故蹟俱在南漳其明徵矣府志

宜城縣志

卷一 下方輿志

四

按賦序云遜地襄陽陪幕府源公赴江陵作不知何緣迂道至此及考賦中所言歷隕墉而訊諸乃楚鄢之遺城則似今縣南九里之宜城故城者蓋彼實爲往來必經而亦有故宜城之稱如元和志所云是也

邛縣故城在縣東北本楚邑秦置縣漢屬南郡晉宋齊屬襄陽郡梁改置率道縣而此城廢省志邛侯國有

黎邱城

後漢書郡國志

沔水南過邛縣東北縣故楚

邑也秦以爲縣

水經注

縣本漢邛縣地也城東臨漢

江古語曰邛無東言其東逼漢江其地短促

元和志



禹貢錐指云三洲口在襄陽縣地古邳縣之北府志因此謂古邳縣在漢水之東接襄陽南界不知元和志明言城東臨漢江則所謂三洲口在縣北者或指當時縣境而言觀後漢書言邳有黎邱城是漢東原有邳屬地而府志又因水經注有黎邱城在觀城西二里之語遂謂觀城即邳縣皆影響之談耳

率道故城在縣北梁置唐天寶初改爲宜城縣貞元中移治省志襄陽郡率道梁置隋書地理志

省志又引縣志東洋古城注於此下蓋既以漢南

宜城縣志

卷一方輿志

五

爲今縣治故以東洋之古城當率道也率道既以爲在漢東故府志以邳縣亦在漢東此皆相沿而誤耳

漢南城在東洋有古隄又有古城宋武帝築宜城大隄移華山郡及華山縣治焉方輿紀要華山太守胡人

流寓孝武大明元年立今治大隄領縣三華山令與郡俱立宋書州郡志西魏改縣爲漢南屬宜城郡後

周省宜城郡入武泉隋書地理志武德四年襄州領

漢南縣貞觀八年省漢南入率道舊唐書地理志古

城隄舊志云縣北三十里地名東洋古城蹟存縣志

云在羊祜漢東北考漢水入宜城即南逕羊祜漢則縣東北固有一古城築此隄衛之耳然東洋之名無考豈晉宋時僑置郡縣城之別名歟府志

此城府志不載而古城隄下云云意即指此故併於一省志以爲在今縣治而引寰宇記云大隄城今宜城縣相傳呼爲大隄城迄今不改抑思華山之治大隄史有明文今東洋之大隄地有實證何不思而傳訛至此耶

上洪故城在縣東南北朝宋置天水郡畧陽縣西魏改曰上洪唐省省志宋元嘉中平楊難當度父明與千

宜城縣志

卷一方輿志

六

餘家隨居襄陽乃立天水郡畧陽縣以居之

南史焦

度傳

南天水太守徐志本西戎流寓今治巖州領縣

四華陰令西縣令畧陽侯相河陽令

宋書州郡志

襄

陽郡上洪宋僑立畧陽縣梁又立德廣郡西魏改曰上洪開皇初郡廢又梁置新野郡西魏改曰威甯後

周廢

隋書地理志

武德四年都州領上洪縣貞觀元

年省

舊唐書地理志

秦南廢郡在縣北

省志

梁置秦南郡後周廢

隋書地理

志

按其地當在黎邱城下秦洲之南故名

一統志

省志又載有馮翊廢郡武建廢郡惠懷廢縣今按

馮翊治都廢郡即都縣故城不應重出隋書言後周廢武建郡及惠懷石梁歸仁鄆等四縣入漢南武建並不詳其所始何出名其故墟若惠懷則本梁置之旌陽西魏又改爲武山隋大業初廢入樂鄉夫西魏已改武山而北周猶曰惠懷惠懷已入漢南而武山又入樂鄉是皆彼此互異不可強解之處附錄於此以俟考

黎邱城在縣東卽今楚王城

邶侯國有黎邱城

後漢

書郡國志

秦豐自號楚黎王注黎邱故城在襄州率

道縣北

後漢書光武帝紀

沔水東南逕黎邱故城西

宜城縣志

卷一方輿志

七

其城下對繕洲秦豐居之故更名秦洲城在觀城西二里建武四年朱祐自觀城禽豐於黎邱是也

水經

注

秦豐黎邱鄉人黎邱楚地故稱楚黎王

襄陽記

按楚王城舊縣志及府志皆云白起灌鄆楚王因城於此今考史記楚世家秦白起拔我郢襄王兵散遂不復戰東北保於陳城則襄王當日未嘗城此惟更始時邶縣人秦豐據黎邱城以叛自號楚黎王水經注云其城下對繕洲豐改秦洲今其洲更名中洲又改爲萬楊洲其地實在楚王城南與水經注黎邱城地形適符然則楚王城即黎邱城

無疑其名楚王者或當世之人稱謂秦豐後人相沿誤指爲楚襄王耳因折衷而歸於一採訪記

又按楚王城道志謂在縣東北三十里蓋以故襄城故鄆縣訛爲今縣治故記里獨殊至舊府志誤引括地志之注故都城者以注此城遂以故襄城之昭王廟楚王宮並在是城以致道志疑即昭王徙都於郡之城省志亦踵此謬實皆未細繹括地志之注府志駁之是也第以觀城謂即郟縣亦屬未考耳採訪記

烏耳城縣北四十里地名圓通寺

府志

宜城縣志

卷一方輿志

八

按此城尋繹諸志乘當即梁置率道唐天寶元年改復宜城之故城不知何緣目爲烏耳姑仍之或曰烏耳馬名水經注云沔水又南過郟縣東北沔水之左有騎城周廻二里餘高一丈六尺即騎亭也殆即烏耳城亦無明又可稽採訪記

蠻城在縣南

省志

淇水逕蠻城城在縣南三十里

水經

注

觀林城在縣南五十五里地名王城港址猶存

省志

王

城港亦名皇膳港明世宗狩承天進膳於此至今溽

暑無蚊

參舊志採訪記

按城距縣實七十五里省志未實若進膳之說意當日翠華所幸理亦有之故老傳聞豈盡無徵府志必一概斥之亦刻矣

杜康臺在縣治東五十步俗傳杜康造酒於此省志有

井曰杜康井在臺下昔康造酒於此相傳井有酒味香人莫敢聞今亦湮人或於臺下掘得土瓶埴古樸非近代物以之貯墨養花不易乾卸明正德間邑令朱崇學建亭臺上邑令張相又圍以石欄顏其額曰杏花樓狀元亭先是童謠曰杜康臺卸狀元生因以名亭萬曆三十年邑令胡明佐更廣規制左右設

宜城縣志

卷一方輿志

九

門旁翼以厨時會飲遊憩其上以行樂著有碑記崇禎未屢罹兵燹亭樓俱燬乾隆間止存三石柱今柱亦就澌滅惟餘荒臺然登眺四望仍佳境也前人稱康臺夜月爲縣勝景洵非虛謬參府縣志及採訪記

鄆子臺在西門內舊志不載而臺址尙存按括地志雖有古鄆子國之文然鄆國在河南鄆城縣則此臺亦後人附會所稱也府志按正字通鄆字註鄆音堰即古鄆子國故地今爲開封府許州鄆城縣鄆城爲故地則有遷封明甚考縣志封贈條下首載楚封鄆子於鄆城池條下載故宜城改遷鄆子國括地志亦云

宜城遷縣在古鄆子國合諸說以觀宜城之有鄆臺古蹟不爲無據府志未爲確論也遺址在西門內城隍廟後舊有小佛塔識其處雕製甚古嘉慶間邑人惑形家言夜半毀之今形與紫蓋山岡混而爲一無復所謂臺矣

採訪記

釣魚潭在縣東南五十里赤山滴水厓下今名紅山頭相傳姜太公釣魚於此燈烟之跡尙存

參舊志及採訪記

楚王宮在故襄城內楚昭王廟後小城蓋王居也其內處偏高廣圓方八九十畝號殿城當是王朝內之

宜城縣志

卷一方輿志

十

所也多甄可爲書硯

韓愈宜城驛記

此宮省志不載而載韓愈記語於楚王城下轉謂縣志謂楚王城在縣東者誤而引一統志以實之其實今縣東有楚王城至今土人猶未改稱謂省志特信耳而駁之耳

浣沙嘴在縣東南六十里里人云在今流水溝南名已無考春秋時伍員亡命遇浣沙女子胥戒勿洩女即抱石投江於此後人名爲浣沙嘴

舊志

夫子埡縣西南四十里覆船山南相傳孔子曾遊此故名或即陳蔡既阨書社不封時歟

府志

按楚昭王興

師迎孔子至楚而楚都在鄢則夫子轍迹之至鄢審  
矣舊志

善謔驛在宜城縣北即淳于髡放鷹處

輿地紀勝

齊王

使淳于髡獻鵠於楚出邑門道飛其鵠徒揭空籠造  
詐成辭往見楚王曰齊王使臣來獻鵠過於水上不  
忍鵠之渴出而飲之去我飛亡吾欲刺腹絞頸而死  
恐人之議吾王以鳥獸之故令士自傷殺也鵠毛物  
多相類者吾欲買而代之是不信而欺吾王也欲赴  
佗國奔亡痛吾兩主使不通故來服過叩頭受罪大  
王楚王曰善齊王有信士若此哉厚賜之財倍鵠在

宜城縣志

卷一方輿志

十一

也史記滑稽列傳

按驛實在縣西北十七里今侯塘營有髡墓在焉  
省府志皆云縣北誤援輿地紀勝而言耳至云放  
鷹亦與史記小異

走馬隄有三

省志軼

一在故襄城東抵果河口楚人走

馬之地一在蘇湖驛旁白起攻楚走馬之地一在縣  
北十五里自故宜城抵漢江三十餘里亦古走馬之

地道志

操軍場二一在黃憲塚南白起操軍之地一在縣東南

五十里漢

關帝操軍之地

舊志

打鼓臺在縣南八里地名圓倉今名團岡狀地形也秦  
白起操軍處臺下有走馬隄舊志

冠蓋里在縣北接襄陽南界 宜城縣有太山山下有  
廟漢末多士其中刺史二千石卿長數十人朱軒華  
蓋同會廟下荊州刺史行部見之雅嘆其勝號曰冠  
蓋里刻石銘之太山以建安三年崩碑在永嘉中爲  
人所毀今但傳其餘文水經注 明志入襄陽縣云自  
峴山南至宜城泰山廟下百餘里云云按峴山南至  
漢之故宜城幾及百里維時冠蓋雖盛烏得連延掩  
映如是遠耶長安洛陽恐亦未能至此萬歷修志時

宜城縣志

卷一 方輿志

十二

既不能抹煞叙中宜城二字妄增自峴山南百有餘  
里數字不亦侈張失實乎今改人宜城第當在漢時  
故宜城之泰山廟而非今城南之新舊兩廟也府志

舊站園在縣南四十五里八里岡西北唐太傅于頔遷  
縣城改驛道於此跡尙存府志

廢宜城驛在故襄城內驛前有水傳爲白起堰韓昌黎  
有記見藝文省志

賁于園在城內西街明侍郎王凝故宅撫治王世貞遊  
此有詩府守汪道昆作賁于堂記府志

宅墓附



宋玉宅在縣南三里宋玉墓南道志省志俱誤云三十里縣南有宋玉宅水經注按宋玉宅有三此其里居也一在歸州從屈原遊學時所居一在江陵則服官郢都時居之一統志

按渚宮故事庾信因侯景之亂自建康遁歸江陵居宋玉故宅哀江南賦所謂誅茅宋玉之宅是也又歸州東二里相公嶺上有宋玉宅郢州又紀洪武中建安陸州學於蘭臺即宋玉宅舊址又不但如一統志所言三者已也蓋名賢所至人爭豔之昔日居停之所後世莫不以故宅目之然玉乃宜

宜城縣志

卷一方輿志

十三

產宅又在墓側自當以在宜城者爲確採訪記

王逸宅在縣西故宜城西北二百步土人呼爲王家屋

場府志

習郁宅在縣東習郁宅有二一在襄陽縣南習家池畔一在宜城縣東省志豬蘭橋北有習郁宅宅畔有魚池池不假功自然通洫長六七十步廣十丈常出名

魚水經注

段成式宅在縣南十五里今名段家營別業在木香村

縣東南七十五里即今關家營曲徑清溪蒼松翠

煙雲繚繞焉道志宜城山川頑劣而多產才士宋

玉王逸段成式皆生其地今叔師故宅在城南故宜城西柯古吾鄉臨淄人又云梁鄒人其父文昌封鄒平郡公今鄒平有地曰段橋傳爲文昌舊居而宜城有木香村亦云段氏故宅所未詳也

王阮亭蜀道驛

程記

宜城縣有木香村段成式別業於此村生異竹

成式圖送徐商

寰宇記

舊志或云縣南十五里或云縣東六十里府志謂故趾已湮未詳所在今按縣南十五里段氏旗姓甚蕃云是柯古苗裔故宅傳聞在彼寰宇記謂木香村爲別業則段家營爲故園不爲無據矣

宜城縣志

卷一方輿志

十四

楚昭王墓在縣南故襄城內墓大逾畝許前六十餘步有穹碑突立殘剝已甚字跡篆體而無一完字可讀俗傳曾被龍爪乃因剝蝕之形而妄稱之然斷非秦漢後物墓左數十步有井至今自爲昭王井

府志

今

墓則猶是井已無迹碑體亦毀其半仆地而沒其半土人云爲雷擊飛去有人曾於川中見者其說尤妄墓南餘古楸三株連抱參天遙瞻數十里即見

採訪

記

昭王墓湖北省凡三見一在襄陽一在當陽一在宜城襄陽之昭王墓府志謂在習池北據南雍州

記齊建元中盜伐王塚得玉器古書竹簡疑爲周昭王墓謂王粲登樓賦西接昭邱即指此當陽之楚昭王墓通志謂在當陽縣東南五十里引水經注沮水南經昭王墓東對麥城亦謂即登樓賦之昭邱據李善注所引荊州圖記爲證今按縣之故襄城爲昭王遷郢於都故地今城址內朝小城證據確鑿其爲楚昭王墓毫無疑義諸說蓋所傳聞異辭云

舊志首載楚平王墓云縣南四十五里乃平王虛墓墓前有廟石人石馬石羊俱存又破河腦下云

宜城縣志

卷一方輿志

十五

平王卒國人葬之石子湖水中而立虛塚江南岸上後伍員以吳兵入楚遂破河掣水取平王尸鞭之故名今考荊州府志江陵亦有平王塚在斑竹岡按平王時楚尚都郢即今江陵至昭王始遷於都則平王墓自當以在江陵者爲確故不錄而附記於此

金汁塚楚浣沙女墓也在縣南六十里初伍員出亡渡漢惟浣沙女見之員戒其勿洩員既渡女乃抱石自沉及員以吳師入郢乃攜棺葬於此以鐵汁貫於墓以報不洩之恩故名

府志

按浣紗乃溧陽史氏女孟郊調溧陽尉嘗往來投金瀨賦詩墓自以在溧陽爲確茲訛紗爲沙紗可浣沙亦可浣乎且以鐵汁灌墓尤爲不經其爲附會無疑或謂員破楚後築壇祭此理或然歟辨詳浣沙女傳

齊辨士涸于髡墓在宜城縣北善謔驛申輿地紀勝明令朱崇學立碑使風港路西並立小碑於墓前今小碑已失塚上榛棘蓬穎矣參舊志及採訪記

按涸于髡墓省志據魏書地形志謂墓在今臨清州之夏津縣者爲確府志據史記謂髡乃齊人楚

宜城縣志

卷一方輿志

十六

王旣禮而歸之何爲復葬于此駁舊志後來仕楚之語爲無據曾亦思戰國卿士數使諸侯朝秦暮楚青山埋骨到處皆家縣西故塚巍然自唐以來名賢題咏與夫輿地紀勝之所記府縣舊志之所錄豈皆附會遷就而苟爲雷同者歟採訪記

楚大夫宋玉墓在縣南三里宋玉宅後有三塚並列明嘉靖中建祠其旁省志今宅已廢墓大及畝或合三塚而併於一耶明正德中知縣朱崇學立碑識之嘉靖間都御史路迎建祠堂於墓前自爲記勒於碑祠堂已圯今尙書趙宏恩觀察襄鄖時題詩勒石與路

碑俱存

府志

嘉慶間邑令方策周繚以垣植所宜木

其中兼置守塚者畀以田立碑記之

採訪記

漢侍中王逸墓在鯉魚橋南侍中王逸碑在宜城縣南

三里

天下碑錄

按此墓諸志不載而天下碑錄既云碑在縣南三里則墓爲不虛矣况今俗諺猶曰鯉魚橋下王生墓故援採訪記補入

漢處士黃憲墓在縣西北十五里

省志

在縣北官路東

輿地紀勝

明正德間邑令朱崇學立碑路旁嘉靖間

提學徐棫立祠祀之自爲記勒於碑萬厯間知縣梁

宜城縣志

卷一方輿志

十七

雍遷舊碑於迎恩鋪仍立小碑於墓前今祠已久圯

而墓具存憲慎陽人以訪友王逸至此後葬焉

府志

國朝邑令黃含章置祭田歲以冬至日犧牲祀之因舊

碑剝落易以新石今圯道光七年署令于鼎培復勒

石墓前

漢司徒黃尚墓在宜城東 邛城南有黃家墓墓前有

雙石闕雕製甚工俗謂之黃公闕

水經注

漢南陽太守秦頡墓在宜城縣南

省志

新陂水歷宜城

大城中逕漢南陽太守秦頡墓北頡郡人也以江夏

都尉爲南陽太守逕宜城中見一宅東向頡住車視

之曰此處可作塚後卒於南陽喪還至昔住車處車不肯進故吏爲市此宅葬之塚前有二碑水經注南

陽太守秦頡碑上缺 胄伯益下缺 佐成禹績下缺 曰

下缺 以下缺 邦奕世載德乃篤生君稟堅和之行秉

賢明之下缺 施不求報惠子缺一字 然而質性剛毅

温恭以將之勇缺一字 以守貞下缺 有全缺一字 之事三司來

上爲會稽府丞下缺 三缺光和三年拜下缺 宣威恩

齊其教不易其俗下缺一字 交缺一字 降萬有缺一字 人下缺一字

可下缺一字 久下缺一字 之後下缺一字 作下缺一字 子道焉下缺一字 之方

下缺一字 隸釋云歐陽趙皆云惟存其額予所得者猶有

宜城縣志

卷一方輿志

十八

九十餘字內有光和三年字蓋述前事也天下碑錄

云有二碑一在宜城一在南陽界漢隸字源 秦頡碑

中有篆額兩行其暈兩重皆至額而止不相接文字

漫滅後有題名數行隸續 孝廉宛缺一字 子仁孝廉

安衆下缺一字 孝廉安衆劉略子達孝廉安衆缺一字 孝

廉安衆張儉子約孝廉章陵缺一字 孝廉新野陰剛

子直孝廉驍缺一字 孝廉順陽郭儀文卿孝廉葉虞

缺一字 孝廉宛史琬子俊孝廉章缺一字 能茂升上

計掾平氏朱諒季平上計掾缺一字 育子和上計史

宛卓韶缺一字 伯上計史宛缺一字 艾缺一字 上計下缺一字 南陽

太守秦君碑其後有孝廉十一人計掾吏五人題名  
隸釋

匡王塚在縣東七里未詳何代按漢更始時有王匡爲  
新市帥更始封爲定國公進封比陽王或卽其墓府  
志或曰卽明康簡王墓俗傳去簡字稱爲康王墓又  
訛爲匡王墓今雲水洲塘堰中高塚是也但無明文  
可考未審是否 採訪記

漢將軍向寵墓在縣東北毛家港一里有石羊存 舊志

按寵乃宜產卒後歸葬故里事無可疑府志臆寵  
卒在蜀時襄郡已屬魏不得歸葬宜城蓋以畛域

宜城縣志

卷一方輿志

十九

私意窺當時國主器度不思負骸乞骨由於子孫  
至情不能自己天下公義非法與地所得而禁烏  
得執一見以尚論古事 採訪記

漢侍中馬良塚在縣西南四十里覆船山北麓地名馬  
王冲俗呼爲馬王塚則轉音之誤今塚已陷里人有  
自中獲誌石者其篆額猶有馬字存焉

按良本邑人史稱良從先主征吳彝陵遇害其歸  
葬於宜亦死正邱首之常無足怪者府志因俗譌  
馬王塚謂良無王稱疑非其塚未免以文害辭矣  
唐太常少卿段成式墓在縣南十五里段家營其後裔

曾有碑記今失

七十二塚縣北至潼口大塚七十有二相傳皆漢唐以來將相名臣之墓

虛糧塚在縣南四十里春秋時吳楚交戰積糧於此凡二百餘座

宋歐陽國公墓在縣東曾公冲有三塚失其名以上舊志

宋蹇溫故墓在樊村洲宰相夏竦爲墓表明萬歷甲申洲崩夏表出人始知爲溫故墓

明鹽運副使鍾亮墓在城北紫蓋山岡

楊家塚在縣西四十里孫家崗塚甚高未詳何人

宜城縣志

卷一方輿志

二十

明雲南巡撫王凝墓在縣西南二十里葉家塋地石人石馬尚存

明刑部侍郎胡價墓在縣西南胡耳冲地

明東閣大學士邱瑜墓在縣西濫泥灣順治十年長子之敦始自江南舁骸歸葬

金鷄塚在縣北七里張家灣岡嶺上塚有四大皆幾畝一偏東南其三排列西北偏東南者有墓門微露石

端府道志載於光化縣歐陽修有詩宜境闕如然則縣北四塚故老傳述皆孟浪歟即歐詩之爲光爲宜

亦無確証因附於後以上採訪記採



附 歐陽修金鷄塚詩

蠻荆鮮人秀厥美爲物怪禽鳥得之多山鷄稟其粹  
衆彩爛成文其色不可繪仙衣霓紛披女錦花綵繚  
輝華日光亂臨轉日晴憊高田啄秋粟下洞飲寒瀨  
清唳式相呼舞影還自愛豈知文章累遂使網羅掛  
及禍誠有媒求文反遭賣有身乃吾患斷尾亦前戒  
不羣世所驚甚美衆之害稻梁雖云厚樊紲豈爲泰  
山林歸無期羽翮日已鍛用晦有前言書之可爲誠  
明邑令陳美墓在城東北隅鎮宜樓前去縣署數武明  
季闖賊陷城殉亂殞此乾隆十年署令安依仁立碑

宜城縣志

卷一 方輿志

二十一

表其墓道光三年署令張五緘磬以甃並爲拓其墓  
基至今春秋二仲祭文廟畢邑典史以特牲祭之  
明浙江義烏金烈女碑在湍灘腦泰昌元年女隨父由  
陝西苑馬寺主簿回籍舟泊湍灘腦遇賊慮污投淵  
自盡郡守李爲京奉文於其處立烈女死節碑以表  
之歲久剝落里人賈楚選等易新石鐫原文於上  
按此女非宜土著舊附列女傳殊自亂其例然其  
烈嚴夏日節茂秋霜實無容湮沒故詳錄於此

津梁

小河口官渡縣北三十里東渡漢江北渡潼口站河通  
襄陽府驛路

小營渡縣北二十五里

臥虎崖渡縣北十二里

老埠口渡縣北七里

雲水洲渡縣北五里

縣園洲渡縣東三里

寶潼河渡縣東七里

牛家埠口渡縣東南十八里

宜城縣志

卷一方輿志

二十二

茅草洲渡縣東南三十里

余家腦渡縣東南五十里今坍水中淤洲曰羅家洲

龍旺洲官渡縣南五十里今移南下數里油坊灣

乾河口官渡縣南五十五里漢洪故道今淤岸西爲郭

家崗仙家莊岸東即昔柳林套今已蹟没土人稱爲

安家洲洲外乾河出口即昔左旗套水塘今亦被水

嚙

劉家集官渡縣南六十五里東渡淤洲爲楊家洲劉家

洲昔漢洪走洲營中今已淤合

倒口官渡在劉家集南五里爲蠻河匯漢處南渡蠻水

東渡漢江南岸爲石羊灘接連鍾祥芝蔴灘漢水於此分東西洪西洪東南淤爲樊村洲嘴東洪東岸即木香港皇饒港等處港南屬鍾祥

以上漢水西岸津渡十四處

羊祜汙渡縣東北三十里

下峯寺渡縣東北二十里即羗家灣水塘

五車渡縣北十五里今渡徙南營里今淤

韓公渡縣東十里昔韓文公曾渡此

官莊官渡縣東十五里即昔望江集

樓子汙渡一名清水港渡縣東南二十里

宜城縣志

卷一方輿志

廿二

陰港渡縣東南三十里

練江渡縣東南五十里今細流無渡

流水溝渡縣東南六十里

皇饒港官渡亦名木香港渡縣東南八十里

以上漢水東岸津渡十處

破河腦渡縣南四十五里北三里爲石子湖

蠻河官渡縣西南四十里新店舖南爲通荊門州雲貴

驛路

以上蠻水北岸津渡二處

孔家灣渡縣西南四十里

龔家河渡縣西南二十五里

張家河渡縣西南二十里

雷家河渡縣西南十五里

廖家河渡縣西南二十五里

以上蠻水北岸津渡二處

石灰窰渡縣西二十里在蠻水東

朱家嘴渡縣西北三十里在蠻水北

以上蠻水東北兩岸津渡二處

按道府縣志均載縣屬有東灣渡道志註在縣東  
三十里縣志註在縣東南三十里通石灰窰今履

宜城縣志

卷一方輿志

二十四

訪縣屬津渡無此地名故不錄

採訪記

善善橋舊名林濟橋在大東門外橫跨市中明令張鳴

岡改建 國朝邑人周之祥重葺掘出舊碑遺有林

濟橋名目歲久頽壞監生熊宗漢徹底重修往來稱  
便感者贈稱今名

按林濟橋省志作利濟橋據縣志註林濟橋在東  
門外利濟橋在東關外語甚明晰省志誤

小東門石橋舊名大通橋明令朱崇學原建後令雷嘉  
祥重修歲久傾圮道光八年冬邑令于鼎培改建易  
甃以石自是水漲不沒

彭氏三道橋中橋舊名利濟橋明令雷嘉祥修年久橋  
圯耆民彭佐捐新在東關外北橋在護國寺東耆民  
彭倬捐修南橋在操軍場隄口東亦彭佐捐修  
東樂善橋在龍頭隄外通城市官道據府志即昔上甄  
橋例職熊星焯易石拓基建新

通津橋地名楊林冲城北十里在王家岡坡下通明正  
店路

明正店宜橋去城北十五里通小河口驛路

永濟橋地名大橋灣城北二十七里通小河口襄陽驛  
路

宜城縣志

卷一方輿志

二十五

普濟橋在操軍場隄南據府志即昔下甄橋通新河水  
注屈家溝

雙石橋在屈家溝通新河水注軛頭灣

利官橋 名雙合橋在官田距城南五里通南瀟腰溝  
水漢走南河驛路

官田小橋城東南五里通腰溝水走五家子新營等處  
梅家灣大橋城南二十里通西壇港新河合流走三汊

港郭海營塘汛

黃家溝口大橋城東南十八里通新河木里溝合流注

漢

鯉魚橋城西南二里舊係里民高縉建明泰昌元年□  
令邱程雲重修曾立通濟十省碑今失通木里溝水  
鄔家橋在高觀舖北去城七里許府志註縣南七里有  
鄔家橋無鄔家橋殆今昔改建異稱

龍門橋縣西南二里舊名王家橋明都御史王凝建乾  
隆二十五年縣令高遴重修改今名通木里溝水  
述志橋在丁家壩邑捐職熊星焯捐修通木里溝水  
中和橋俗名雙碑橋在桑樹堰南邑監生張煥斗等捐  
修通木里溝水

繼志橋在石香鑪邑監生熊星輝捐職熊星焯等捐修

宜城縣志

卷一方輿志

二十六

杜平寺大石橋縣西二十五里走朱家嘴界牌頭路

三汊港橋在石灰窰北

牛路口橋本名積善橋在梁家壩北縣北十五里

衆濟橋在胡家坡冲下縣西北十三里

歐家坡上下橋縣北十五里

北普濟橋在壬子陂

新石龍橋在屈家營縣北十八里

長工堰橋城北十八里傭人沈林數年積資盡以捐建

雙龍橋在劉家冲縣北二十里

占旗營橋縣北二十里

三汊港木橋城東南三十里走郭海營塘汛

郭海營官橋城東南四十里通倒口驛路

百姓營木大橋城南四十五里旁通姚家岡古樓岡赤

湖岡等處

劉家集甄橋城南六十五里走鍾祥豐樂河驛路

南上門橋城南二里走蘇家站路

蘇湖橋城南七里通新河木里溝會漢

鄭家橋今名劉家橋在故襄城北通拖鋤溝水

栢家橋在故襄城南走破河腦

湯家橋在故襄城東

宜城縣志

卷一方輿志

二十七

三眼橋在故襄城東南均通長渠水

豬蘭橋城南五里通木里溝會新河水經注曰沔水又

東逕豬蘭橋橋本名荻蘭橋橋之左右豐蒿荻劉季

和於橋東大養豬襄陽太守曰此中豬屎臭可易名

豬蘭橋百姓遂以爲名矣舊志訛作朱南乾隆間里

民重修又別作朱蘭

按宜邑橋梁惟豬蘭見於載籍亦惟豬蘭最古自

舊志訛作朱南省志遂沿其誤析豬蘭與朱南爲

二以名朱南者爲在縣南五里以名豬蘭者爲在

縣東北殆因水經注之文而臆揣之殊失實矣

丁家冲橋縣西北二十五里以上均通木里溝水  
衆議橋城北七里通四口垵磨珠湖水

北樂善橋縣西北十里通鐵甲湖水口西南有五臺堰  
張家橋縣東北二十里通毛家港水

白家橋縣東北二十里通虎泉冲水

秦家橋縣東北十里白家橋西通虎泉冲水

廣益橋任官莊東八里李家冲

清水港橋在縣東二十里

普濟橋在姚板店走田鎮司路

大板橋即姚板橋在姚板店西走縣城官道

宜城縣志

卷一方輿志

二十八

大沙橋在田鎮司西走棗陽路

流水溝南橋在縣東南六十里通鍾祥路

流水溝北橋在縣東南六十三里耆民許元度從九許

必榮捐修

關家營官橋在縣東南八十里通鍾祥豐樂河驛路

宜南橋在縣西三十里上口泉西走南漳縣路



風俗

民尚質俗多樸

方輿要覽

耕氓好楚歌居室多編竹以代陶瓦

明一統志

宜城土瘠民貧務本業憚遠商少積聚勤儉惇龐最爲

近古士尙氣節勵廉恥

舊縣志

宜城居襄郢間介南北之中山無險峻水乏灘澗土田  
岡陵原隰參半稻梁麥粟黍菽麻皆具故人多負果  
敢之氣而知涵容秉柔順之姿而懷直勁士尙狷介  
農習織嗇貧民不恥佃傭遊民多好博戲惟司牧者  
轉移之以導於中和而已

採訪記

宜城縣志

卷一 輿地志

一

昏禮倣古六禮名稱微異議婚必憑媒妁議定男家用  
金裝啟書乾造於左以釵釧弄玩壓庚女家書坤造  
於右以文具弄玩酬之謂之換庚其古禮之納采問  
名歟將婚男家擇吉報期具豕酒果盒衣裳送女家  
女家以妝奩酬之謂之過禮其古禮之請期納幣歟  
昏之前夕男家具盛饌父醮子於堂中以未冠童男  
陪皆盛服廳燕賓客謂之煖男酒女家則母醮女延  
知禮女賓爲女梳笄餘儀如男家謂之梳頭酒其古  
禮之冠笄歟屆期婿必自往求婚是親迎也視他處  
婦車至門婿揖以入者尤爲合禮輿前設高照提燈

明昏以爲期也鳴鑼聲礮旂蓋鼓樂前導襲古禮之攝盛也攜家雁拜見是奠雁也具啟徧告女之親族謂之團書明昏以正也婦至壻寢堂燃花燭交拜御扶入室飲交杯果茶以代酒脯取合卺同牢義也明日婦贄棗栗見舅姑母家饋以饌曰圓飯婦饋舅姑之誼也壻家饗饋饌者並饗新婦舅饗婦之禮也既婚三日或九日夫婦回母家拜謝曰回門彌月母家迎歸一月曰住對月悉與古禮可通第或嫁娶不俟釋服廟見不俟成婦又或壻入贅而承祀亂宗婦童養而六禮不備固習俗之非亦有由貧窶所致者

喪禮初終袒服易素被髮徒跣沐浴飯含襲歛哭踊書夜無時既蓋棺帷堂寢坐草薦昕晡供脯醢蔬菽湯飯計告親友弔賻皆有奉體魄事精神之遺意至葬髹棺設銘旌製木主具明器營兆開壙遷柩辭祖遣棺發引下殯封墓皆於古制不悖惟服不成於親喪之四日非士喪禮三日成服之禮行三獻侑食於朝夕奠喪在殯奠而不祭三獻侑食祭禮也且三虞卒哭祔祭諸禮皆闕如禮既廢哀何有乎若禫祭除服必俟三週雖亦喪過乎禮猶不失爲仁厚之風至惑於陰陽拘忌之說多有旬日速葬其親者謂之乘凶

葬夫喪事先遠日朝死夕忘之謂何是誠仁人孝子所不忍爲者他若有力之家儉於附身附棺而侈於齋醮佛事則尤厚薄之失宜者也此皆秉禮之士所當講明而釐正之

祭禮小祥大祥禫祭具牲醴粢盛祭於主焚楮帛於外明器略如送葬具有力之家則延贊禮備物以祭行三獻侑食畢乃釋服時祭則以正月元旦五月端午八月中秋歲終除日祭品隨時不一清明則有墓祭凡宗親之墓皆至子姓咸在具時羞焚紙錢剪楮爲幡插墓前中元薦新稻特祀祖先既夕以堊圈地焚

宜城縣志

卷一 輿地志

三

楮鏹於中以爲化送冥貲也統計期年之中凡遇良辰輒深春霜秋露之思頗合事亡如存之義惟鄉俗有外神與祖先並列者率奉天地司命觀音財神關帝諸神居寢堂之中祖先次列兩旁於禮未安而簪纓巨族構建宗祠奉祀者亦鮮何以聯宗支序昭穆以敦孝友睦婣之風乎故欲厚風俗必自敬宗收族

始以上禮俗

正月 元旦夙興設酒饌作供焚香祀神祇祖先輟市三日卑幼序拜尊長男子盛服詣戚友互賀謂賀歲以餽餘宴賓謂春酒立春先一日邑官寮迎春東郊

騶從鼓樂士民集通衢遊觀立春日樂戶送小春牛  
農人以其色占水旱豐歉元夕街市懸華燈人家食  
粉圓迎紫姑神以卜歲有龍燈儼賽諸戲簫鼓歌謠  
之聲喧闐徹旦沿街爆竹不絕

二月 長吏躬耕藉田勸農社日鄉人祀土神祈年具  
雞豚會隣里祭畢設燕序齒列坐至桑柘影斜家家  
扶醉猶有雍睦遺風

三月 上巳踏青文人攜酒聽鷓郊外兒童競放紙鳶  
清明比戶插柳簷端各攜男女展墓

四月 八日各寺爲浴佛會是月農家新嘗麥始布穀

宜城縣志

卷一 輿地志

四

田歌盈隴畔

五月 端陽日以菖蒲艾虎懸門飲雄黃酒灑房室並  
以雄黃點小兒頰閨中製五色絨符爲兒女佩用榴  
花艾葉簪髻陷角黍轉相餽遺有龍舟競渡之戲

六月 六日人家曬衣服於中庭士人亦於是日曝書  
以避蠹濕

七月 七夕閨閣守夜看彩雲設瓜果祀牛女以乞巧  
中元日寺觀爲盂蘭會放河燈人家祭先薦以新穀  
八月 社日鄉人爲報賽會祀神如春社中秋夜設瓜  
果餅餌祀月兒女羅拜燕飲以觀月華遺戚友瓜以

被無子

九月 九日登高佩茱萸囊飲菊花酒士人選勝嘯詠  
爲樂

十月 立冬樹麥始畢農工寢息咸納稼築塘

十一月 冬至女紅添線比戶紡織機聲軋軋有一月  
得四十五日之風士人置賞雪宴

十二月 八日人家以雜糧粉餌調粥謂臘八粥中旬  
親友互以物相餽遺幾半月謂送年節小除日有送  
竈禮陳飴糖芻豆祀司命除夕有迎竈禮供設加隆  
是日換桃符懸春聯門掛柏枝具穀菽家宴謂之團

宜城縣志

卷一 輿地志

五

年及夕區陬溷廁竈陘皆設燈謂之照虛耗家衆以  
次拜賀曰辭年相聚鳴鈺鐃鼓吹爆竹聲達旦曰鬧  
年徹夜不寐曰守歲 以上時令

按宜地瘠民貧素鮮蓋藏中人之家終歲勤動僅  
足自給即有號爲萬金之產者亦虛多實少幸俗  
崇儉樸偶有歉歲尙免流離士人則寒峻居多大  
半純謹自守鄉民犬牙交錯之區鞭長莫及不無  
獷悍恣睢之習餘則男耕女織各務本業頗敦古  
處惟俗好淫祀見木石稍異輒驚相祈禱上元等  
日婦女連羣結隊詣廟焚香是謂陋習而典禮所

係亦有未盡合宜之處有維持風化之責者裁成  
輔相崇正抑邪庶幾遂生復性於以臻熙皞之治  
無難矣